


103989

67642

:23



洪範明義卷下

漳浦黃道周輯

晉安鄭開極重訂

訪箕章第一

惟十有三祀王訪于箕子

王乃言曰嗚呼箕子惟天陰騭下民相協厥居

我不知其彝倫攸叙

陰騭下民本之於天相協厥居參之於地
 彝倫攸叙稽之於人是三極之總也易曰
 立天之道曰陰與陽立地之道曰剛與柔
 立人之道曰仁與義陰陽剛柔一仁義也
 仁義在天以騭陰陽在地以協剛柔武王
 所問箕子所答皆是物也



箕子乃言曰我聞在昔鯀墮洪水汨陳其五行
帝乃震怒不畀洪範九疇彝倫攸斃鯀則極苑
禹乃嗣興天乃錫禹洪範九疇彝倫攸叙

武王為九疇而問箕子為九疇而答大禹
之道將明於周體國經野設官分職皆從
此出故三代之法禹立其極矣鯀墮洪水
削高就下山川之叙失其行列蓋天地之
甲著於五行五行之質著於山川垂象成
形人民攸託雖聖人不能盡知亦莫之敢
亂也乃震乃錫首祭帝天寶愛之道為聖
人敬受張本於陰陽剛柔仁義之說有獨
得其微者矣下章稽疑庶徵嚮威之用皆
明帝天震錫之意以五行五事相終始云

叙疇章第二

初 曰五行

陰陽者天地之氣五行者天地之質氣質
具而性命行乎其中氣非質不具理與氣
其質故但曰五行不曰二氣二氣者易之
治五行者範之治易與範其為治也一為
十始復起於十天地所為用即天地所為
體故統領其文不復言用明疇體之有九
用初一之備十體也

次二曰敬用五事次三曰晨用八政晨原次四


曰協用五紀次五曰建用皇極次六曰乂用三

德次七曰明用稽疑次八曰念用庶徵次九曰

嚮用五福威用六極極原

是九疇之目蓋兼圖書而用之也河圖有
 文自一至十故曰一六居上二七居下三
 八居左四九居右五十居中是依五行之
 位以爲彝倫範之正也雜書有文去十爲
 九故曰戴九履一左三右七二八通肩六
 四通足五居其中是準十五之數以爲疇
 必範之奇也雜書以九而致用故五事故
 用是生晨協建又明念嚮威之用河圖以
 十而命體故五行爲體是通事政紀德疑
 徵福極之體圖書分說雖有異同其必不
 汨五行不鞅倫序居一以御萬執兩而用
 中發揮皇極原本帝天則其義一也世儒
 不知圖書爲易範之原始但以辨方正位
 粗舉其端又不知五行爲相協之大事但
 以生克順逆略綜其概凡自漢儒而下錯
 舉陰陽災異之說皆一併詆爲矯誣妖妄
 是以震錫莫聞君心不戒禹箕之學無得
 而稱焉今以雜書分疇具圖於後

雜書原圖



是即所謂戴九履一左三右七二八通肩
 六四通足五居其中者也神龜所負文有
 共危月幾

疇外聖人則之以觀象設教五行出於北
 極一者辰極之位故五行宅焉二者鬼神
 所宗鬼神立於西南為敬用之始故五事
 位焉有五事則有庶徵故敬者所以致念
 也政事明於東作為晨用之始故八政位
 焉有八政則有稽疑故晨者所以致明也
 聖賢立於西北為乂用之始故三德位焉
 有三德則有五紀故乂者所以致協也福
 極明於南方與五行其治嚮之者福悖之
 者威二用交致以歸於皇極故皇極五行
 威福帝天之中路也九疇八貫四週各十
 有五曲折勾股或離或合出入皇極少極
 於六多極於二十四圭黍三重少極於三
 多極於二十七升降消長朔望盈虛備於
 是矣箕子以是命疇周公以是命卦九疇
 之卦七百二十九因而乘之五十三萬一
 千四百四十一皆有敬念晨明協又建嚮
 威之用猶易之有出齊見後說戰勞成也

易則亦皆八矣以疇之九數歸易之六爻
 則亦皆八矣易主日月疇主星辰二五參
 合天道乃明周濂溪曰陰陽一五行也五
 行一太極也語雖渾囷而意不甚失
 臣觀古人天人精蘊備在是疇箕子爾時
 必有圖象繫綴明白易言圖書不稱為箕
 子所作蓋義禹以前有之箕子必述舊法
 先為圖象後以敷言分屬其下也其法以
 君心為主謂之皇極上下四旁備列天人
 以鑒觀省察互成其用一天而九人為性
 命之本三人而七天為事業之原四天而
 六人以考成政治二人而八天以終始道
 德左右天人一貫互用以易稽之則乾坤
 震三者易之綱領皆為人事良弼兌二者
 易之妙應皆為天道坎離戊巳則帝天
 柄與王者相參鬼神臣工所從取命也知
 其說者之於天下其如示諸掌乎

五行章第三

一五行

一曰水二曰火三曰木四曰金五曰土

水曰潤下火曰炎上木曰曲直金曰從革土爰

稼穡


潤下作鹹炎上作苦曲直作酸從革作辛稼穡

作甘

質非性也質具而性見焉體非用也體具而用見焉因其質以為人事因其用以為道化故有潤下炎上曲直從革稼穡之事而王者及物之功皆盡有作鹹作苦作酸

作辛作甘之化而聖人體物之情皆見矣是章五行之序皆在河圖因列河圖於後

從革作辛



是即所謂一六居後二七居前三八居左四九居右五十居中者也五行生成各以

其方園而視之其象六乘彼此參變為數
百萬故河圖以五十五為象以百萬為數
水之潤下火之炎上木之曲直金之從革
縱橫稼穡與土相得不可易也以五十有
五各自相乘為三千二十五故以百萬為
用三千二十五為體經緯六十四卦而成
象成形相協之故舉可知也
臣按雜書自為九疇之序河圖自為五行
之序九疇五行雖其一範而各自為序非
有河圖主生雜書主剋之說也惟五行災
異之論本以上天示儆人主省愆稽古證
今不為臆說而儒者動云春秋不書事應
深詆伏董歐劉之學不知春秋事應散見
諸篇立經主簡則文義分行為傳尚通則
組織必至今以世無通貫之經而謂經無
證應之義可乎故復以河圖再繫五事而
略舉徵應錯見於後云

五事章第四

二五事

一曰貌二曰言三曰視四曰聽五曰思


貌曰恭言曰從視曰明聽曰聰思曰睿

恭作肅從作乂明作摶聰作謀睿作聖

範為五行攸序而作則五事之從五行倫
次秩然不可易也伏歐夏劉以木金水火
為序近於汨陳五行者矣然其所錄春秋
事應亦多不符五診之例蓋天道人事互
相表裏天作於先而人應之謂之明聖人
作於先而天應之謂之謹告因天以儆人
因人以祗天晝參之著龜夜卜之夢寐仰
觀俯察皆以敬事為本作聖為終雖古今

異說不必盡符併存其意可也
五事配合五行圖

聽聰作謀



視明作皆

在天曰五行在人曰五事五行與福極為衝其道

甚大五事與庶微相會其幾甚細故以五
行抵五事其應不能悉合以五事抵庶微
其地亦不能甚著也聖以地通用六天
尚九二微成著天人呼應近者二年之內
遠者九載之外神靈求陳五年而封申胤
推蕪一紀乃復而今定以春秋而其事應
雖蘭菊不能必其皆華露霜亦其爽其節
候矣必總備一君談貫時時也參同可
得而言焉

水行汨叙

懿桓公元年秋大水鍾巫之餘診也

桓公十三年夏大水彭生也

莊公七年秋大水防穀之診也

莊公十一年秋宋大水明季宋厲其君

莊公廿四年秋大水姜氏入宗廟用幣

宣公十年秋大水亦為貴戚主兵

襄公二十三年秋大水亦為國弱兵繁

襄公二十四年秋大水亦為國弱兵繁

秦武王三年渭水赤商鞅王災

漢惠帝三年四年八年河南漢中皆水

文帝十二年十五年東郡藍田大水口口犯邊

武帝建元二年春平原水溢始用鬲青

元光三年春河徙入渤海冬殺寶嬰

元鼎二年夏大水殺丞相青翟使大宛

元帝初元元年二年五年諸水應在石顯

成帝建始三年河平三年三年諸水應在諸舅

漢光武六七八年郡國水不應

建武二十四年睢水逆流三十一年災不應

明帝永平三年七年京師郡國水不應

和帝永元元年郡國秋大水應在寶氏

永元十年十二年夏大水應在鄧氏

安帝永初元年冬河南湧水兵起應在鄧氏

永初二三四五年京師郡國大水鄧閻合診

延光三年大河水王聖主災殺太尉楊震

順帝永建四年五年郡國大水十九侯之餘診也

質帝本初元年比海溢梁冀主災於玉堂

桓帝建和二年秋京師大水陳留長平盜起

建和三年永興元年二年水溢應在梁氏

永壽元年雒水溢入城官始行三年喪

延熹八年九年夏濟比平原河清立寶氏

靈帝建寧四年春河清夏水湧侯覽主災

熹平二三四四年水溢是有宣陵孝子

中平五年六年郡國水湧張讓主災

獻帝建安二年秋漢水溢殺太尉彪

建安十八年秋水溢應在曹氏

建安二十四年秋漢水溢孫權襲殺關羽

以上四十災有徵應者三十七建武有廢

郭后及東海王事永平有馬氏之立及陰

太后喪疹發中宮借其前平以悲後艱天
心仁愛於是可見也

魏黃初四年夏伊雜溢先王崩於永安

景初元年夏兗徐豫四州水應在司馬氏

吳赤烏八年十三年三十年水溢應在與魏

晉武帝泰始四年秋青徐兗豫大水應賈氏

咸寧二年魏郟水溢荆州大水大魚色

咸寧三年夏秋冬俱水賈克主災

太康二年泰山江夏湧水大選吳伎於宮中

太康五年任城水赤一七年郡國水應胡災

惠帝元康五年六年荆揚大水應在賈氏

元康八年金墉城井溢趙王倫主災

永安元年宮中井溢秋大水齊王問主災

太安元年兗豫徐冀四州水應在張方

元帝大興三年四年大水石頭之先珉也

明帝大寧元年諸郡大水王敦主災

成帝咸和元年夏大水應在庾氏

咸和二年京師大水蘇峻主災

穆帝永和四五年夏大水亦為國弱兵繁

永和七年秋濤水入石頭亦為權貴主兵

升平四年姑臧旱有火五年大水應在桓氏

太和六年夏水浸太廟桓溫主災

簡文咸安元年冬濤水入石頭喪重於兵

孝武帝大元三五六年年大水應在符兵

太元八年十年十三年大水亦為國弱兵繁

太元十五年夏濤入石頭玄恭之先珉也

安帝隆興三年夏荆州大水應殷仲堪

隆興五年夏大水應在孫恩

元興三年濤入石頭漂萬舟桓元主災自滅

義熙二三年濤入石頭應在劉氏

義熙十年十一月夏秋湧水浸太廟應劉氏
以上自漢至晉終六百二十一年災之正
應五十八惟哀平十二年懷愍十年水災
不告非哀平懷愍貌皆作肅亦非哀漢亂
晉水獨潤下也其丁寧於先謹告不倦在
元成武惠之間駝謫已多及於哀平懷愍

安受其敗雖謹告之無益矣留覽之下可
以深省也

宋文帝元嘉五年七年都下大水無應

元嘉二十七年八年都下大水無應

齊廢帝永元元年秋都下大水應在南康

梁天監二年夏南郡水應在陳劉

天監六七年十二年南康大水淮堰主災

大通五年御道沒水災在浮圖

後周大象元年咸陽水為血是為國殃

隋文帝開皇十八年河南八州水楊素主災

仁壽二年河南北大水廢蜀王秀應在子廣

煬帝大業三年水漂河南三十郡應在長城

唐太宗貞觀三年山東六郡水應在大安宮

貞觀十一年穀水入宮毀宮門應在武氏

貞觀十四年至十六年諸州皆水應武氏

高宗永徽元年郡國大水災應王后

永徽五年夏水入元武門溺衛士武氏主災

顯慶元年東海溢廢子忠立公

顯慶四年連州湧水殺趙公無忌

總章二年東海溢冀州大水咎在李勣

武亨元二年四年水溢應在武承嗣

上元二年東海溢青齊大水天后殺太子宏

永隆元二年河南北大水廢太子賢

永淳元二年洛水溢河溢應在乾陵

如意元二年夏秋洛水大溢諸王災是革唐正

長壽元二年棟河溢神功元年括州水

聖歷元二年洛水環天津橋三四年諸州大水

神龍元二年夏大水秋洛水溢武廢復立韋氏

神龍二年地鏡見洛水壞天津橋是殺五王

景龍三年密州水四年井溢韋氏主災

元宗開元三四五年洛漚溢應在契丹

開元八年穀洛溢入上陽宮興道坊陷

開元十八年	洛水溢壞橋梁是地東宮
開元二十二年	關輔水應在李林甫
開元二十三年	江淮大水應在壽王妃
開元二十九年	洛水溢上陽宮安祿山主災
天寶四載	河南大水冊貴妃
天寶十載	廣陵溢為祿山起第
天寶十三載	灑洛壞十九坊盡易漢將
代宗寶應元年	河清李輔國主災
廣德二年	洛壞二十坊應在僕固懷恩
大歷二年	七年洛壞二十坊應在吐番
大歷十一年	二年京畿大水是地諸鎮
德宗建中元年	幽鎮魏博夫小應在盧杞
貞元二年	三年東都大水應問架除陌錢
貞元四年	河水黑流入汴吐番主災
貞元十一年	十二年朗蜀建州水是地寶霍
貞元十八年	申蔡大水吳少誠主災
貞元二十一年	五年溪水鬪
憲宗元和四年	渭南暴水應在吐突承璀

元和七八年	百川俱汎賊及宰輔
元和十一年	二年京畿水傾殿柱乃平吳蔡
元和十五年	南郡水應在王守澄
穆宗長慶二年	四年邠國大水是地諸關
敬宗寶歷元年	京畿水劉克明主災
文宗太和二年	年至八年諸郡大水訓注主災
開成元年	年至四年郡國大水仇魚主災
宣宗大中二年	三年郡國大水王宗實主災
懿宗咸通元年	水毀諸門河東諸軍亂
咸通六七年	十四年諸郡水劉韓主災
僖宗中和三年	汴淮鬪黃巢主災
光啓元年	潤州江水赤田令孜主災
昭宗乾寧三年	夏盜決滑河乃淹諸州
後唐同光三年	雒壞天津橋俗人主災
長興三年	諸州大水應在石氏
晉天福四年	伊雒灑澗皆溢契用之餘沴也
周廣順二年	三年諸州大水應在柴氏
宋太祖建隆元年	二年河決汴溢無應

乾德二年至六年河皆溢無應
 開寶四五年汴決京師大水爰放宮人
 開寶六七八九年郡國京師皆水是將易嫡
 太平興國二年至九年郡國皆水應在太宗
 端拱元年英州水契丹人豕及祁
 淳化元年至四年諸郡大水應在趙保吉
 至道元年二年郡國大水應在永熙陵
 真宗咸平元年至五年諸州大水應在契州
 景德元年至四年河溢是和戎天書將下
 大中祥符二年至九年諸州水是漂天書
 天禧三年河決浸徐州應在乾祐山
 仁宗天聖四年六年郡國水無應
 嘉祐元年大水壞壇壝災在皇嗣
 神宗熙寧元二年河決應在王氏
 熙寧七八九年河決應諸新法
 元豐四年諸郡水李憲王災
 哲宗元符元二年河溢章蔡王災
 徽宗崇寧元二年京城水應在端禮門

大觀元二年京畿大水河又數清應在童蔡
 政和五年東郡大水童貫領六路邊
 宣和元年京師大湧水馬政王災應郭藥師
 高宗紹興十二年涇渭瀾皆竭
 紹興十四年田水自鬪井溢如雷金來冊命
 紹興廿八二十年大水金殺宋遼宗室
 孝宗隆興元二年吳越大水應在和議
 乾道二四五年六年諸郡大水應于鞏洛之原
 淳熙元四年濤決錢塘無應
 淳熙十五年諸郡大水災在德壽宮
 光宗紹熙四年諸郡大水災在重華宮
 寧宗慶元元二三年東郡大水籍偽學逆黨
 開禧元二三年大水以伐金詔四方
 嘉定十二三年鹽海失故道金犯京東西州
 理宗紹定二年台州大水李全王災
 淳祐十三年諸郡大水應在賈氏
 元世祖至元十四年潮入臨安宋室以沒
 至正二十二年郡國大水應會稽諸陵

至正廿二至廿七年大湧水應在元主
 成宗元貞元年蘭河清南郡大水應在中宮
 大德元四六年諸路大水應在胡僧主災
 武宗至大元年至四年諸路大水鐵木迭見主災
 仁宗皇慶元二年諸路大水鐵木迭見主災
 英宗至治元年比地大水是屯南坡
 泰定帝元年比地俱溢屯在懷梁
 文宗至順元年江南大水是六載四君
 順帝元統元年京畿大水燕鐵木兒主災
 至元元年至六年郡國大湧水伯顏主災
 至正元年至八年百川皆湧江水溢兵起
 至正十八年京師及諸郡水是
 以上自劉宋至元末九百四十五年災之
 正應一百十八惟元嘉一二十年建隆乾
 德一二十年無事耳唐僖宗十餘年元祐
 八年不見水災元祐之災壓於德乾符廣
 明之災分於賊何可同也齊梁魏周之間
 壤地分裂有難為純者矣要於女于奸人

口口盜賊陰邪之診皆察以貌何可誣也

火行汨叙

魯桓公十四年御廩災屢盟長亂祭祠不時
 僖公二十年西宮災南門之餘診也
 宣公十六年成周宣榭火召毛之訟不治也
 成公三年新宮災亦以禮敵也
 襄公九年宋災是屯楚鄭之師
 襄公三十年宋災再兵城杞向華受之
 昭公六年鄭災為鑄刑書與火爭明
 昭公九年陳火殺偃師之餘診也
 昭公十八年宋衛陳鄭災四國同禮
 定公二年雉門及兩觀災屯在鸛鶴
 哀公三年桓釐宮災實使季氏以為災主
 哀公四年亳社災以戒亡國
 威烈王三年火下於晉有聲如鼓三國受之
 漢高后元年趙崇臺災呂女與讒趙王受之

惠帝四年未央宮凌室織室災應在後宮
文帝七年東闕梁恩災應在諸侯王
景帝中五年東闕災匈奴入鴈門
武帝六年遼東高廟災高園優殿火有喪
太初元年栢梁臺災是遣貳師應在浚稽
昭帝元鳳四年孝文廟災是上冠應在皇躬
宣帝甘露元年太上皇及孝文廟火
甘露四年未央宣室火有狄來應在皇躬
元帝初元二年茂陵白鶴館災應在石顯
永光四年杜陵東闕災石顯殺張猛
成帝建始元年皇考廟災禮不應也
鴻嘉三年孝景廟北闕災廢許皇后
永始元年凌室及戾后園災應在昭儀
永始四年臨華殿東司馬門霸陵東闕災
哀帝建平三年鴻寧殿災應在傅氏
平帝元始五年高廟殿門災王莽禍著
新室地皇三年霸橋災兵起
光武建武六年雒陽車火是有越禮

建武廿四年高廟北門災亦有狄來
章帝建初元年壽安殿災地應清河
元和二年火燒北宮西闕應皇躬
和帝永元八年火燒南宮宣室有喪
永元十三年北宮饌閣火明年陰后廢
安帝永初二年南郡皆火南學于叛
永初四年杜陵園火鄧氏受之
元初四年武庫火是王叛羌
延光元年陽陵寢殿災宋楊京問主之
順帝永建三年茂陵寢殿災孫程王康主之
陽嘉元年恭陵災及東西幕府立梁皇后
永和元年承福殿災有夷來蠻叛
漢安元年洛陽火是屢有大喪盜發憲陵
桓帝建和六年掖庭德陽殿火有喪
延熹四年南宮武庫屢有火所在盜起
延熹五年宮中六處火諸常侍主災
延熹八年宮中火八九處立竇皇后
延熹九年火流京師民相驚是有黨獄

靈帝熹平四年延靈園災內署悉司中官
 光和四年掖庭災五年永樂宮災張角亂
 中平二年雲臺災延及諸殿盜寇幽冀諸州
 晉武帝太康十年崇賢殿災應在諸卿
 惠帝元康五年武庫火延諸閣道諸王災
 永興二年尚書曹火延諸閣道諸王災
 懷帝永嘉四年襄陽大火應在洛陽
 元帝永昌二年京都大火王敦王奕受之
 明帝大寧元年京師火王敦王奕劉趙應之
 成帝咸和二年京師火蘇峻王奕災
 穆帝永和五年石趙諸殿災乃滅
 武帝寧康元年京師火桓溫受之
 太元十三年延賢堂災及則百堂道子為政
 安帝元興元年尚書曹火桓元王災
 義熙十一年京都大火在彭城公
 宋文帝元嘉七年都下火在子劭王災
 元嘉廿九年都下火應在子劭
 梁武帝天監元年盜燒總章觀是有乖禮

普通二年琬琰殿災亦為禮罰

中大通元年災正同秦

陳武帝永定三年重雲殿災是為捨身

隋大業十二年廣陽門災是為自焚

唐太宗貞觀三年甲弩庫火大喪

貞觀十三年雲陽石自然是有思摩可汗

證聖元年周明堂火正水所未滅也

景龍四年凌空觀災應在神龍殿

元宗開元五年定陵寢殿火是亦有乖禮

開元十八年飛龍廡災是主王毛仲

天寶二載東都災不絕是有胡來

天寶十載武庫災應在親仁坊

大歷十年火從浮圖中出田承嗣王災

德宗貞元十三年東都尚書省災王裴延齡

長慶三年幽州地有火變為池應在清思院

文宗太和二三年禁仗火亂在興元

太和八年禁中及揚州火李仲言王災

昭宗大順二年雨與火鬪於汴盜陷成都

後唐天成四年火燒汝州營東西川亂
 長興二年汴州災殺安重誨
 宋太祖建隆三年京輔火是擴都城
 開寶八年洋礪亳永四州火
 太平興國九年乾元文明二殿災應在廷美
 雍熙二年楚王元佐宮焚廢元佐
 端拱二年有身街火燔衡州作開寶寺塔
 淳化四年永州大火夏攻靈州盜陷成都
 景德四年郢州火有喪
 大中祥符八年榮王宮火延秘閣是燔天書
 仁宗天聖七年昭應宮災是燔天書
 明道元年火燔八殿應在元昊
 英宗治平四年睦親宮火應在新政
 神宗熙寧七年三司火應在條例
 元豐八年開寶寺火災試卷應在新學
 建中靖國元年集禧觀火蔡京主災
 政和八年掖庭大火災在神霄九鼎
 高宗紹興元二三四五年行在皆火應在上皇

紹興九十年行都又火秦檜主災
 紹興十一年婺州建康大火是殺岳飛
 紹興十二年行都又火金來册命
 紹興二十年行都又火秦檜受之
 乾道二年諸州軍壘火以示罷兵
 淳熙七八九年吳越楚蜀諸郡火是禁偽學
 光宗紹熙二年行都及徽州大火中宮主災
 嘉泰元年行都大火民舍幾盡乃施學禁
 嘉泰四年行都大火撤廟移主韓侂胄主災
 嘉定十一年十二年行都火災應在大慶殿
 理宗寶慶四年行都大火延太廟應在李全
 嘉熙元年行都大火與訟濟王竑
 元順帝至正元年臨安大火
 至正二十年火流自華出焚大都元祚乃訖
 矣炎上之災鮮有不應者然亦至喪亂而哀
 矣災惑之勤不及寇攘漢自靈獻而下唐
 自敬文之餘寡稱焉亦以卓催巢溫灰燼
 已極奸人騁於波濤工匠輟其盤礴人竇

既塞天巧亦紆也獨在南宋行都省署無
日不災朱盜之決滑河學徒之焚館舍與
乾道嘉泰之間天人互用均致其罰也大
率火為禮候水為淫徵禮失而寇攘為災
國淫而奸邪縱肆乘之底於滅亡火
輕則為喪水輕則為盜思亂先治存乎禮
法漢儒所分以耀虛偽縱情欲為火不炎
上簡宗廟廢祭祠為水不潤下尚有偏觀
未為通論也

木行汨叙

曾僖公三十三年冬李梅實君不制主災
漢惠帝五年冬桤李華棗實近恆燠也
昭帝時斷柳起生枝葉應在良園
昌邑國社枯樹復榮亦應在良園
元帝初元四年王氏墓梓柱榮生莽乃生
建昭五年山陽槐樹斷復起應在民社復

成帝永始元年河南樗樹生人頭應新都侯

哀帝建平二年西平什柱生人形應董賢

建平三年零陵大樹斷自續應同山陽槐

愷帝延熹九年雒陽竹栢葉自傷應黨錮

靈帝熹平三年右校檮樹暴化胡形應催汜

熹平五年殿後槐皆反撥

後主景耀五年宮中大樹自折漢遂滅

建安十五年洛陽伐樹見血災應伏氏

晉惠帝元康九年桑暴長東宮廂應太子通

永康元年東宮桑又暴長應皇孫臧

西明木變口形是應劉曜

壯武桑化為栢是應張華

懷帝永嘉二年項縣桑哭應東海王越

永嘉六年豫章樟復榮應瑯琊

元帝大興四年王敦鈴仗生齒莒敦主災

明帝大寧元年剡縣木生人面災在越城
成帝咸和六年曲阿柳起吳縣榆起應瑯琊
哀帝興寧三年廬陵栗樹復起應在昌明

帝奕太和元年涼州楊生松應張天錫
 齊後主武平五年鄴城桐作人形應在平陽
 隋文帝開皇八年人家桁生條箬楚為災
 仁壽元年蘭州楊生松是易樹子
 唐高祖武德九年樓柱傾復起元武門主災
 長壽二年神宮櫟杉皆變為栢應女乘男
 德宗貞元四年雨木于陳畱神策土為災
 憲宗元和十五年樹無風自拔中尉王災
 懿宗咸通十四年成都李實變木瓜主易姓
 宋太平興國六年解木有字是飛天書
 神宗熙寧二年建州獲木龍災應新法
 高宗紹興廿一年桑生李栗生莠是為易種
 孝宗淳熙十六年桑生瓜櫻桃生茄
 光宗紹熙五年行都雨木韓侂胄主災
 元世祖十九年樟樹生梨食異顛也
 順帝至正廿二年祥符樹皆蒙泥象澤滅木
 曲直之災始於桑穀草實之瑞表於嘉禾
 雖見書序聖人不錄蓋其取用既繁而見

診者少不得云田獵不反宿飲食不節優
 釀是災要如賢奸不別邪正不分則懷棟
 几筵皆成災具矣天水而後爭言連理木
 芝艸解文為瑞其實華夷不別朋類混淆
 如木枝理不循彝序皆妖孽也

金行汨叙

威烈王廿三年九鼎震
 顯王三十九年秦取鼎一淪泗水孔氏應之
 赧王五十九年秦取鼎一淪泗水孔氏應之
 漢武帝征和二年春涿郡鐵飛應在巫蠱
 成帝河平二年沛郡鐵鳴冶為分災應諸舅
 魏明帝時西取承露盤銅狄有涕
 晉惠帝元康三年殿前六鐘皆涕應在金墉
 永興元帝成都王軍戟刃皆有火應在蕩陰
 懷帝永嘉元年石碑生金應在石氏
 石勒時鄴城銅雀飛入海

陳後主貞明二年東冶鐵飛光隕自天

唐垂拱三年魏州出鐵船廣州雨金是有兵

神龍元年東都鐵像頭自隕是誅亂宮

天寶十載殿鐘自鳴饕餮折耳足應左相

蕭宗乾元二年渾儀汗應在西內

昭宗光化四年殿前鐘忽嘶應式微

漢乾祐元年中書厨金鳴郭威主災

宋建隆二年神山縣有方鐵汎水是釋重兵

至道二年杜陽鎔銀自成山岳是為佞金

咸平四年亳州太清宫鐘自鳴是為媚鐘

慶歷四年撫州得生金山是冊元昊

崇寧四年禮九鼎漏於北方是服女真

紹興十一年金口戈戟夜生火光將銷死

紹興廿六年天雨汞是外大喪

寧宗慶元二年吳縣錢羣飛是聽學禁

凡從草汙行皆為兵戈之咎不專言鐵銷

羣飛血已墮堯君素守蒲州兵器交有光

如火劉武周據并州稍及夜每有火光晉

成都王伐長沙戈戟上夜皆有火光此即

金不從革與火災相通聽不作謀之罰也

如金石之變寥寥耳石言於晉寶化為石

自不在此例也

士行汨叙

周幽王二年三川皆震是徙厥都

魯僖公十四年八月辛卯沙麓崩霸王應

魯文公九年九月癸酉地震災應公子遂

襄公十六年五月甲子地震災應季孫宿

昭公二十九年五月乙卯地震季氏主災

哀公二十三年八月乙未地震公疾乃復

秦始皇十五年四月甲午地震應在啓陽

漢惠帝二年正月平陰大震是多營築

高后二年武都山崩震自正月至八月

文帝五年二月地震

景帝後元五月地震應在匈奴

武帝元光四年五月地震應在後宮

後元元年秋七月地震應在鉤弋

宣帝本始四年河南瑯琊大震應在霍氏

地節二年八月大震壞宗廟城郭霍氏主災

元帝初元二年二月大震殺蕭望之

永光三年冬地震石顯主災

成帝河平三年犍為山崩壅江震

元延三年岷山崩江逆流應在王氏

綏和二年九月丙辰大震應在皇躬

新室天鳳三年二月地震壅涇水

建武廿二年郡國四十二地震應武谿蠻

章帝建初元年三月山陽東平震

和帝永元元年會稽南山崩竇憲主災

永元四年郡國十三地震竇氏應之

永元七年九月京都震鄭衆蔡倫主災

永元九年三月隴西震應在羌

永元十二年夏秭歸山崩岷廢陰后

元興元年雍地裂

煬帝延平元年恆山崩應在清河

安帝永初元年郡國十八地震應在鄧氏

永初二年至五年郡國三十五震

永初六年豫章原山崩震

永初七年春郡國十八地震太后主災

元初元年春日南地坼郡國十五地震

元初二年河南地坼郡國十地震

永寧元年郡國二十三地震

建光元年冬郡國三十五地震

延光元年春郡國二十七震秋十三震

延光二年京都郡國三十三震丹陽山崩

延光三年京都郡國二十二震閬中山崩

之盛未有過於安順之際者也

順帝永建三年春京師漢陽大震

陽嘉二年洛陽地坼京師震山陽君王災

陽嘉四年冬京師地震

永和二年至五年京師八地震梁冀主災

漢安二年秋至建康元年夏百八十八日震

桓帝建和元年夏秋京師再震殺李固杜喬

建和三年秋京師地震憲陵屋壞郡國地裂

和平元年秋梓潼山崩

元嘉元年二年冬春京師震王甫主災

永興二年東海胸山崩瑯琊盜起

永壽二年京師地震河東地裂

延熹元年雲陽地裂三年漢中山崩

延熹四五年京師地震泰山博尤來山解

延熹八年京師地震緱氏地裂

永康元年洛陽上黨地裂

靈帝建寧四年春地震夏河東地大裂

熹平二年夏地震六年冬地震捕繫諸生

光初元年至三年京地及酒泉地八十餘

獻帝初平二年夏地震應關東諸侯

興平元年夏地震應在關東

後主炎興二年蜀地震黃皓主災

魏咸熙二年太行山崩乃亡

晉武帝泰始四年泰山崩五年地震

咸寧二年秋河南河東地震

咸寧四年夏陰平廣武洊震

太康五年宣廟地陷六年新興山崩

太康七年廬山崩震仇池崖隕

太康八年殿前地陷震應在三楊

太康九年郡國歲十六震諸王應之

太康十年冬太熙元年春地震災當皇躬

惠帝元康元年冬京師震

元康四年郡國山崩地大震陷賈氏主災

元康五六年八年地震

太安元年西壙崩二年震當陽地裂諸王主災

太安三年夷道山崩四年鄠山崩張方主災

懷帝永嘉元年洛陽地震陷有蒼鵝

永嘉三年四年諸州地震

愍帝建興二年三年地震劉石主災

元帝大興元年二年三年諸郡地震崩王敦主災

大興四年常山崩滹沱溢段匹磾祖逖歿

咸帝咸和二年春夏郡國地震蘇峻主災

咸和四年廬山西北崖崩盜殺劉

永和九年十一年地震政在桓氏

哀帝隆和興寧三年俱震

帝奕太和元年涼州地震水湧應在海西

孝武太元二年至十八年地震生毛

安帝隆安四年地震生毛

義熙三四年五八年地震生毛

宋文帝元嘉十二年都下地震劭濬主災

孝武大明七年兖州大震是應玉燭殿

齊東昏永元元年秋冬震百八十口為亾故

梁天監五年冬京師地震是主飢

普通三年正月京師地震義州刺史叛

太同三年七年建康地震生毛是主饑兵

太清三年建康地震臺城主災

陳永定二年建康地震應在王琳

後魏武定二年西河地陷高氏為應

後齊河清二年并州地震應和士開

隋文帝開皇十四年夏京師地震主中宮

開皇二十年十一月戊子立子廣天下大震

仁壽二年夏岐雍大震廢蜀王秀

仁壽三年梁州山崩漢諒主災

唐武德二年京師地震殺劉文靜

武德七年嵩州地震山摧突厥主災

太宗貞觀七年冬京師地震應在上皇

貞觀二十二年河東晉州大震當上躬

高宗永徽元年晉州定襄洊震應在始封

儀鳳二年永淳元年垂拱三四年京師皆震

垂拱二年雍州湧山永昌中華州山晝徙

睿宗景雲三年并汾絳三州地震應在內禪

元宗開元十七年藍田山摧應楊思勗

開元廿二年秦州大震應李林甫

開元廿六年京師地震不利立子

肅宗至德元載河西地震裂是應安史

代宗大歷二三年京師地震魚朝恩主災

大歷六年藍田西原陷九年同州山徙

大歷十二年寧晉地裂應在元載

德宗建中元年三年京師地震李希烈主災

貞元二三年四年京師洊地震生毛應吐番

貞元八九年洊地震湧樹應在諸鎮

憲宗元和八年大隗山崩地震

元和十一年洊地震皇甫鎛主災

元和十五年春正月穆宗即位震中尉主災

文宗太和九年京師大震仇士良主災

開成四年京師震仇魚主災

宣宗大中二年河西大震有喪

懿宗咸通八年晉絳大震主兵

僖宗乾符三年維州地陷水湧羣盜應之

光啓二年洊震三年維州山崩雍江水

後唐長興三年赤畢山崩秦王從榮主災

宋雍熙三年階州山崩壅江水應契用

宋真宗景德元年京師地洊震應在澶淵

景德四年益州地震有喪

大中祥符二四年諸州地震應在中宮

仁宗景佑四年忻代并大震元昊主災

寶元元年慶歷三年并忻代震是應西夏

慶歷六年嘉祐五年京師地震應中宮

神宗熙寧元年秋冬郡國大震王韶主災

熙寧五年少華山崩

元豐八年京師震賓州地陷應皇躬

哲宗紹聖元二三四五年諸郡地震是應紹述

建中靖國元年冬太原震童蔡主災

宣和六年京師洊震熙河蘭州地陷

高宗建炎二年長安大震遂入

紹興三年六年江南大震劉豫主災

孝宗隆興元年海震湯思退主災

光宗紹熙四年劍門山崩
寧宗慶元二年黃巖有山自徙清潭山移韓
侂胄主災

嘉定九年東西川大震山崩
元成宗大德七年延安山移地震應在緬甸

大德八九年晉平陽屢大震應在懷宣
仁宗延佑元年諸路地震

延佑三四年諸路地震應在君身
泰定帝四年諸路地震應在君身

文宗天歷二年諸路地震應在漠北
順帝元統二年京師震山陷為池

至正元年至五年諸路皆震
至正元年至十二年諸路皆震

至正十三年至十八年諸路皆震元祚乃訖
六府言穀五行言土土非穀也雖云稼穡

言其作稼穡者不指稼穡如山川疇然不
即云私濬也土自應地饑自應歲故以百

穀用成對度草蕃廡言之如土行失序自
當以山崩川竭大地震動為子益土比四

行其用至大故上天見災譴告至密猶之
思睿無所不談不得移省歲之文於作甘

之內也以上百八十餘條惟宋自景德而
上至少惟漢自永元而下至多坤儀不靖

雖建武亦有崩搖前座將傾在太康屢先
著屯五代之餘天告已衰至正之間地維

遂絕觀其震數反於睿思亦可以作聖也

八政章第五


一曰食二曰貨三曰祀四曰司空五曰司徒六

曰司寇七曰賓八曰師

入政之行不依疇列其以八官寄於四方
王立於中則猶之疇序也但其數目不用


為次耳古人制象彼此相兼不定一方要
 以河圖為體雜書為用體不過一易用有
 三易五易九易者如八政與皇極合為九
 疇先行南北一食在北二貨在南三宗伯
 從左四司空從右司寇據七司貨於南方
 司徒據六司食於北方實以震出據八而
 從宗伯師以順動據九而從司空此其始
 易者也又因而遞更其位則一食居三立
 於左內二貨居四立於右內三祀居二立
 於南內四司空居一立於北內五司徒居
 八立於外東六司寇居九立於外西七賓
 居七立於南外八師居六立於北外此其
 再易也五行為易之佐八政為易之官陰
 陽相協皆在八政為圖如左

天所共叶也及其用之乃有一八二七三
 共四五對待之文各見下章



右八政分配之位

唐虞官百夏殷再倍三司相協乃約五命度其兼職可以義推



右八政互易之位

八政互通而農用乃備食一為比政實本
 地德始平水土稼穡乃成徒眾乃興徂征
 之命是也天子南面賓祀在前五玉三帛
 夾以虎旅暨覲羣后無有不服寅清之命
 是也東作敷教亦治邦政田賦出焉二八
 之間爰通賓食稷契共事以輔文思在寬
 之命是也寇賊奸宄厥厲在貨禹及臯陶
 其理夷夏萬物歸命為刑為德明允之命
 是也王中無為省視八官內體五事微察
 五行明察五紀稟此十五以成福治五者
 為福六者為殛十一之行過猶不及因而
 推之北方坤坎有食與師統於司空是為
 地官而兼司空司馬南方乾離有貨賓祀
 而統宗伯是以宗伯而兼司徒司徒而兼
 離震有賓與食而統司徒是以司徒而兼
 宗伯司空西方坎兌有貨與師而統司空
 是以司空而兼司徒司馬故謂唐虞世有
 專官官不相兼者亦偏結未融矣其九列


命官配于八卦以先後天分序別圖如左




坎司寇

巽貨

艮司徒



乾師




坤食

兌司空

離祀

震賓



右先天序卦政官之位

序卦本於河圖其體屢遷而四方八位理有一定疇象相參約歸二者不可易也


坤貨

兌司寇

乾司徒



離師




坎食

巽司空

震祀

艮賓



右後天序卦政官之位

凡易在範前疇序皆出於易雖云後天出於文王而帝出乎震齊乎巽相見乎離役乎坤悅乎兌戰乎乾勞乎坎成乎艮決非日文王時始有此說也先天圖至宋始出而位置如在易前要其顯晦有時而源瀾遠矣洪範八政雖自為疇列而從圓圖以變方圖合先後天初無乖異圓圖以相代為義每方各備四官方圖以相交為義每官各備兩卦每卦亦備兩官如民食於土故坤一為食食重於賓故震八為賓賓貴從祀故離三為祀祀歸司空故兌四為司空此先天之左旋從坤趨乾者也師動大眾故乾九為師師必居貨故巽二為貨貨必有寇故坎七為司寇寇歸司徒故艮六為司徒此先天之左旋從乾趨坤者也其官方分拆雖不依位而五行陰陽命官之意本於圓圖不少爽也又如後天乾統六師以處西北比坎為司空以一次之司徒治

地亦為司空以八次之震司東作亦為司徒以三次之巽治貨賦亦為司徒以四次之離居乾位是為司寇以九次之司寇與司空對治坤居西南是為秩宗以二次之秩宗與司徒對治兌掌賓政亦為秩宗以七次之賓政與食政對治是後天八政亦本圓圖大要以西方之政通於比陸比陸之政通於東方東方之政通於南陸南陸之政通於西方其南比東西不相易也故一六二七水火不相射三八四九金木不相代云

臣攷周易與洪範表裏而周官一書皆出於九疇雖云六官三百六十屬而以八政齊之各復得八則通為六十四官三百八十四屬矣八政雖無天官司馬宗伯之目而食貨隸於天官賓祀載於宗伯六師統於司馬職有繁簡則政可相資總以分代天工陰陽相協故復舉八政兩序與卦象

八政疇序 先天

一坤食二巽貨三離祀四兌司空
六艮司徒七坎司寇八震賓九乾師

一食政 土行

食之食坤以厚德載物其於政也以祖識
地德其於物也為反生為上供其於官也
為后稷農師為饒庖人
食之貨升以積德高大其於政也為日中
市尚穀帛其於物也為耒耜釜布緹甌其
於官也為甸師獸斂鰲人
食之祀明夷以用晦蒞衆其於政也為農
社報賽其於物也為脯腊脩鱸昔酒其於
官也為酒正充人亨人黜人
食之司空歸以教思容保其於政也以省

試稱事其於物也為頰冰形鹽其於官也
為醢人漿人凌人

食之司徒謙以哀益平施其於政也為頒
祿施歛其於物也為簠簋斗斛其於官也

為稍人委人舍士廩大夫
食之司寇帥以容民畜衆其於政也以謹
益藏厲濫禁其於物也為藥石疢毒其於

官也為食醫疾醫瘍醫
食之賓復以閉關養陽其於政也以享老
字幼其於物也為觴豆几杖戶牖其於官

也為司尊彝几筵幕人
食之師泰以財成輔相其於政也為養壯
佼禮俊民其於物也為籍田為采為廩餼

其於官也為內外饗為鬱人鬯人玉府

二貨政 木行

貨之貨巽以申命行事其於政也以利民
阜財其於物也為矯揉箇籛輪梓其於官

也為大府內外府
 貨之祀家人以有物有恒其於淡也以贊
 佑神明其於物也為嶧桐泗磬菁茅畎翟
 其於官也為典路為都宗家人
 貨之司空中孚以議獄緩死其於政也以
 禮郵賑助其於物也為磬錯璆鐵鉛松恠
 石其於官也為追師州人屨人掌炭
 貨之司徒漸居賢善俗其於政也以登良
 散楮其於物也為漆絲織縞織皮其於官
 也為司會職歲
 貨之司寇渙以享帝立廟其於政也以散
 小貯禁賄賂其於物也為包為筐其於官
 也為關梁司門
 貨之實益以遷善改過其於政也以遠玩
 賤異厚往薄來其於物也為盤鑑劍屨生
 如贊其於官也為掌節典庸器屨人鞮鞻
 氏
 貨之師小畜以懿文德其於政也以平物

價治軍市其於物也為金錯園刀羽毛齒
 革其於官也為質人塵人角人旄人韎師
 貨之食觀以省民設教貝於政也以引菲
 示儉其於物也為絺綌紵紵其於官也為
 場人囿人稻人

三祀政

火行
離序

祀之祀以繼照四方其於政也以明禮駿
 格其於物也為陶匏繭栗其於官也為宗
 伯肆師大小司樂
 祀之司空睽以同而異其於政也以瘞繁
 掩其於物也為俎柳厥具明器其於官
 也為喪祝甸祝冢人墓大夫
 祀之司徒旅以慎不畱獄其於政也以禮
 山川墳行原澤其於物也鼓琴瑟羽籥
 其於官也為籥師典同宮人掌次
 祀之司寇未濟以辨物居方其於政也以

戢止淫厲其於物也為祭丹畫于戚其於

官也為占夢眠侵馮相氏祀之賓噬嗑以明罰勅法其於政也以敬

慎綱日誦士其於物也為龜審龜筮其於

官也為大小史司裘司祧祀之師大有以遏惡揚善其於政也以顛

禍祖祀其於物也為樊纓旒旃旗旋其於

官也為典瑞大卜大祝庭氏射鳥服梁氏

祀之食晉以自昭明德其於政也以餒飢

逮下其於物也為犧牲養盛其於官也為

宮伯內宰籛人冪人祀之貨鼎以正位凝命其於政也以貞燬

起度除慝其於物也為球圖刀訓圭瓚鼎

奠其於官也為申車典祀內外宗

四司空政 允金行 誦四民與利去害其於物也為度量權衡

司司空之司空允以麗澤講習其於政也以

緇海其於官也為林麓川澤人

司空之司空其於物也為錫函盧弓車其於

原菱曠土其於物也為錫函盧弓車其於

官也為土均土訓旅師致命遂志其於政也以治

邊竟去盜去虺其於物也為蕃薄渠答屬

-5 230 45 920" data-label="Text">

落其於官也為掌固掌險掌疆

-105 230 155 920" data-label="Text">

司空之賓隨以嚮晦入息其於政也以簡

-155 230 205 920" data-label="Text">

庶務理廢墜其於物也為舟梁隄防其於

-205 230 255 920" data-label="Text">

官也為懷方合方墅廬氏

-255 230 305 920" data-label="Text">

司空之師夫以應祿反于其於政也以度

-305 230 355 920" data-label="Text">

田徹糧正車賦其於物也為畝滄隍溝牛

-355 230 405 920" data-label="Text">

馬駒犢其於官也為糞方載師圍師邊師

-405 230 455 920" data-label="Text">

遂大夫

-455 230 505 920" data-label="Text">

司空之食萃以庀戒不虞其於政也以宅

-505 230 555 920" data-label="Text">

流宥訓討無藝其於物也為邊市租產蕭

-555 230 605 920" data-label="Text">

身鯨其於官也為梓氏薙氏裘氏穴氏

-605 230 655 920" data-label="Text">

司空之貨大過獨立不懼其於政也以

-655 230 705 920" data-label="Text">

共範明長

材木施治擲其於物也為築治搏墮毒其於官也為川人澤人封人治歷明時其於政也以表萬正位相民居其於物也為璿璣玉衡其於官也為雞人保章氏

五司徒政良序

司徒之司徒良以息不出位其於政也以安民不遷敷教成治其於物也為城郭壇遺象魏其於官也為黨正州長鄉大夫司徒之司寇蒙以果行奇德其於政也以去殺勝殘其於物也為司諫司救桎梏其於官也為司節養止其於政也以信器褒有行其於物也為法簡賢書其於官也為師氏保氏司服司祿司徒之師大畜以多識言行其於政也以文德致民彙士其於物也為金玉象鉤為旗為鐔其於官也為內外史為行司馬為匡人擯人下安宅其於政也以蠲逋其於物也為公田公桑耕籍其於官也為典命掌葛掌染典婦功司徒之貨蠱以振民育德其於政也以時勞土出陳納新其於物也為泉布疏績其於官也為閭師司市司徒之祀賁以明庶政無敢折獄其於政也不廢誥誓其於物也為井竈戶行門雷其於官也為司盥司約司徒之司空損慤忿室慾其於政也以正疆界其於物也為表署道路杵曰鍛厲其於官也為閭師比長鄧長形方氏

六司寇政水行

六司寇政水行

司寇之司寇坎以德行教事其於政也以
布憲讀法禁非刑亂其於物也為五書五
戒五極其於官也為卿為鄉士遂士朝士
士師

司寇之賓屯以經綸其於政也以詢眾致
謀其於物也為墻垣釧豆牢食其於官也

為伊耆氏為掌環人挈壺氏
司寇之師需飲食待時其於政也以先治

內後治外其於物也為矛戟斧鑕其於官
也為司隸掌察條狼氏脩閭氏

司寇之食比以建萬國親諸侯其於政也
以除蠱服猛不餒辜人其於物也為冥羅

壺涿其於官也為剪菱諸菴獸醫
司寇之貨井以勞民勸相其於政也以施

責焚券其於物也為緩金矢其於官也為
職金司

司寇之既濟以思患際助其於政也以
刑難致

其於言也為司過司權司寤氏
司寇也慎固察創視坼其於物也為繫

也以鍵於官也為司園為雍人萍氏
浴兆域於物也為嘉石肺石其於官也

司寇之於物也為嘉石肺石其於官也
簡正禮於物也為嘉石肺石其於官也

為司刺八詛人

七 實政 本行

實之實實以恐懼脩省其於政也以興戒
繼絕有罪有刑其於物也為宗彝丹圖其

於官也為大小行人行夫
賓之師大壯以非禮不履其於政也以大

饗射選士澤官其於物也為馬熊豹豻正
鵠其於官也為司勳司士諸子

賓之食象以崇德殷薦其於政也為臨雍
乞言餼餼其於物也為四齊八珍其於官

也為五隻三老
賓之貨所以有物有恆其於政也以敷奏
明庶命車服其於物也為圭馬璋皮璧帛
琮璜琥璜黼其於官也為司儀掌賄
賓之祀豐以拆獄致刑其於政也以聽質
平外國其於物也為騰脈珥劓其於官也
為都宗家人甸祝神土
賓之司空歸妹永終知敝其於政也為協
出人也為象胥土方氏
官也為象胥土方氏
賓之司徒小過以致茶致哀致儉其於政
也無忘舊章其於物也為拆俎殺烝其於
官也為掌客都則都士
賓之司寇解以救過宥罪其於政也以柔
還無以暴合其於物也為僚為符節其於
官也為御史為掌交掌詔

八師政

金行
乾字

克詰愛言七德其於物也為剛馬戎路其
於官也為大御太僕大
師之會下以儉德辟難其於政也以匪糧
糧不貪遠其於物也為米粟和服銍總
其於貨如以施誥四方其於政也以軍餉
師之貨如以施誥四方其於政也以軍餉
賚武衛其於物也為鹽鐵雜錯其於官也
為馬質司兵掌賄
師之祀司人以顛族辨物其於政也為蒐
苗禰詩別井里物采其於物也為監獸表
緒其於官也為祭僕田僕圉師巫馬
師之司空履以辨分定志其於政也以保
疆靖民治溝洫院塞其於物也為虎皮魚
服其於官也為道僕牧師度人禘人藁人
師之司徒也為嚴遠小其人其於政也不以
介胄為文治其於物也為介胄犀兕其於
官也為犬

一食政 坎亦為司空 食之食坎以常德行習教事

食之貨師以容民畜眾 食之祀解以赦過宥罪

食之司空 食之司寇 食之司寇 食之司寇 食之司寇

食之司寇 食之司寇 食之司寇 食之司寇 食之司寇

食之師未濟 食之師未濟 食之師未濟 食之師未濟 食之師未濟

二貨政 坤亦為祀

貨之食比 貨之食比 貨之食比 貨之食比 貨之食比

貨之祀豫 貨之祀豫 貨之祀豫 貨之祀豫 貨之祀豫

貨之司寇 貨之司寇 貨之司寇 貨之司寇 貨之司寇

貨之師晉 貨之師晉 貨之師晉 貨之師晉 貨之師晉

祀政 震亦為食

祀之食屯 祀之食屯 祀之食屯 祀之食屯 祀之食屯

祀之貨復 祀之貨復 祀之貨復 祀之貨復 祀之貨復

祀之祀震 祀之祀震 祀之祀震 祀之祀震 祀之祀震

祀之司空 祀之司空 祀之司空 祀之司空 祀之司空

司空政 巽亦為貨

司空之食井 司空之食井 司空之食井 司空之食井 司空之食井

司空之祀恆 司空之祀恆 司空之祀恆 司空之祀恆 司空之祀恆

司空之司徒姤以施命誥四方

司空之司寇大過以獨立不懼

司徒政乾亦為師

司徒之食需以宴樂待時

司徒之貨泰以財成輔相

司徒之祀大壯以非禮不履

司徒之司空小畜以懿文德

司寇政充亦為賓

司寇之食節以制德行議數度

司寇之貨臨以容保教思

司寇之司寇夫以施祿敷德

司寇之賓大畜以多識畜德

賓政良亦為司徒

賓之食蹇以反身脩德

賓之貨謙以稱物平施

賓之祀小過以過恭過哀過儉

賓之司空漸以居賢德善俗

師政離亦為司寇

師之食既濟以思患豫防
 師之貨明夷以用晦蒞衆
 師之祀豐以折獄致刑
 師之司空家人以言有物行有恆
 師之司徒同人以類族辨物
 師之司寇革以治歷明時
 師之賓賁以明庶政無敢折獄
 師之師離以繼明照四方

右八政分序

凡二篇

各六十四其別各四千九十六

臣攷八政與周易周官同用而異體所以
 然者以其同出於圖書以式序五行相協
 民居一也民居之於五行猶醯醬之於飲
 食日用不離先王之於八政亦猶是也八
 政分屬皆從後天然以乾坤坎離定位分
 從則亦皆先天也有是八政以求五行然
 變五紀有所麗四克有所用休咎貞悔有
 用教天地之爲善龜帝王之爲善龜與善

龜所自爲天地帝王首一也以是八政參
 於七十而人神始協因而察於五事驗於
 庶徵稽於五紀正以三德而上天陰騭之
 道條負備矣此下未有敷詞蓋以是爲綱
 自相經緯其文義浩重不可單舉要本於
 皇極以務民敬事則是八政者亦合爲九
 疇而虛其一耳八政分屬與上卷明義不
 同波繁五行此錄八卦非有矛盾也

五紀章第六

四五紀

一曰歲二曰月三曰日四曰星辰五曰曆數

王省惟歲卿士惟月師尹惟日

章上有曰字衍

歲月日時無易百穀用成乂用明俊民用章家

用平康

日月歲時既易百穀用不成又用昏不明俊民

用微家用不寧

庶民惟星星有好風星有好雨日月之行則有

冬有夏月之從星則以風雨


此節疑在師尹惟日之下

臣攷前章所陳五行五事八政皆從河圖而出雖略舉體用以性情事物立天人之總猶未明言其疇象分微之數即云以九命數以五命理亦大槩綱領得其款項耳必使天人交動各有條貫觀日知歲觀辰知月觀一世得百世則五紀者天地之版籍也堯典首舉閏朞春秋始正日月攷其細微莫過疇象疇象以九起數以六積之

為五十三萬一千四百四十一為一百二十年之歷外贏五千四百八十一又六乘七百二十九之數每歲縮九則一百二十一歲當縮一千八百八十合贏縮之數外距天行每百二十歲共餘六千五百六十一以四乘之凡四百八十八歲而餘六歲之歷又贏五十四辰歸於斗分故以四百八十六為限以四百八十五為實者是疇之所以命歲也以四百八十五為歲五千八百二十為月又以四百七十九為閏是疇之所以命月也以五千九百九十九為月則以十七萬七千一百四十六為日以三乘之為一百二十歲之疇五十三萬一千四百四十一以十二乘之為二千四百四十七百六十四辰也凡天地之數成於九極於六參於三要之以四則歸一矣故六九之積為一百二十一歲之星參其六積為四百八十六歲之日是律度權衡之所繇總

也然皆不煩摩揣但以九起六積而得之一再屈指而具百二十一歲之歷此範疇之至微要也古今算歷者皆不論辰但以日開分以分開秒於四分歷中減滿上下自謂精矣而施之非以輒不復驗即如三統大衍皆原本河圖約略爻象其精者不過於揲著九六其成數耳今以疇起歷以歷分辰以辰分星以星約日以日會月以月成歲語歲則有四百八十五歲語月則有五千九百九十九日語日則有十七萬七千四百六十四日語辰則有二百一十二萬五千七百六十四辰語歷數則是五千八百二十歲之歷去其幾數舉其實數凡十四元範實五千七百六十四因而重之二十四周萬有一千五百二十之星也要其始終皆出圖書故復具圖如左

五紀略例




九維書一九三七二八四六之文談者雖習而數多不盡以五行五事論之亦曰一

水二火三木四金五土一貌二言三視四
 聽五思天生地成以六成水以七成火以
 八成木以九成金以十歸五猶此四十五
 之文耳必以五紀論之則九疇相經各八
 十此二紀也九經七十一為七百二十
 百六十一此三紀也九經六十九為六百
 一為五萬九千四十九此四紀也九經五
 萬九千四十九為五十三萬一千四百
 十此五紀也以此五紀分歲月辰而
 統於歷數故五屈指而具百二十一歲以
 分一之歷以四合之為四百八十五歲以
 範計之則二十四周得萬有一千五百二
 十部長百二十歲是五紀之所繇作也五
 紀所歷不過九疇九疇三乘各八十一生
 成之數各領其部一部主象各有重數如
 一十二二二二二之類每部重數二十五參數
 五十六合為八十一得其重數則知其主

部凡九部七百二十九以七百二十九自相
 乘即百二十一歲強之歷因分部為圖如左




七部六千五百六十一
 乘部五萬九千四十九
 三哥六千五百六十一
 乘部五萬九千四十九





六部六千五百六十一
 乘部五萬九千四十九

九部六千五百六十一
 乘部五萬九千四十九




五部六千五百六十一
 乘部五萬九千四十九

一部六千五百六十一
 乘部五萬九千四十九



三部六千五百六十一
 乘部五萬九千四十九



八部六千五百六十一
 乘部五萬九千四十九

北方一部 一次 一二至一一九凡
 九象皆為乾兌之卦重象者九為水行盛

始第二疇一二一二二至一二九凡九
 象一重皆為離震之卦第三疇一三一一
 三二至一三九凡九象二重亦皆乾兌之
 卦第四疇一四一一四二至一四九亦九
 象二重為離震之卦第五疇一五一一五
 二至一五九凡九象二重亦皆乾兌之卦
 自是而下第六疇一六一六一六九凡九
 象二重亦離震之卦第七疇一七一七一
 七九凡九象二重亦乾兌之卦第八疇一
 八一八一八九九象二重亦離震之卦第
 九疇一九一九一九九象二重亦皆
 乾兌也故比方首部九疇八十一象皆為
 乾兌離震之卦
 西南二部二一一二二至二一九凡
 九象二重皆為巽坎之卦次疇二二一一
 二二至二二九九象者九皆為艮坤之卦
 故西南九疇八十一象皆為巽坎艮坤之
 卦

正東三部三一一三三三三至三三九九
 九象二重皆為乾兌之卦次疇離震三疇
 三一三三三三三三三九九三三九九
 兌也故東方九疇八十一象皆為乾兌離
 震之卦
 東南四部四一一四四四四至四四九九
 九象二重皆為巽坎之卦暨第四疇四四
 一至四四四四四九九象者九皆為艮
 坤故東南九疇八十一象皆為巽坎艮坤
 之卦

中央五部五一一五五五五至五五九九
 九象二重皆為乾兌之卦次疇五五一一
 五二九九皆為離震第五疇五五一一五
 五至五五九九象者九皆為乾兌故中央
 九疇亦乾兌離震也五分戊巳或交於前
 或交於後一變而一不變則乾兌通於巽
 坎離震變為艮坤故中央九疇八十一象
 得通八卦遍乘九部得五萬九千四十九
 象

卦凡疇每部各五萬九千四十九卦
 西北六部六一一次六一二至六一九凡
 九象二重皆為巽坎卦第六疇六六一至
 六六六至六六九重象者九皆為艮坤故
 西比九疇八十一象皆為巽坎艮坤之卦
 正西七部七一一七一二至七一凡
 九象二重皆乾兌卦次疇離震第七疇七
 七一七至七七七重象者九皆乾
 兌也故正西九疇八十一象皆為乾兌離
 震之卦
 東比八部八一一八一二至八一凡
 九象二重皆巽坎卦第八疇八八一至八
 八八至八八八重象者九皆艮坤也故東
 比九疇八十一象皆為巽坎艮坤之卦
 正南九部九一一九一二至九九凡
 九象二重九皆乾兌卦乾兌與離震間行
 第九疇九一九九二九九重卦者
 九又皆乾兌也故正南九疇八十一象皆

為乾兌離震之卦

凡疇九部每部八十一象得七百二十九

象為命歷之本每部各以八十一乘七百

又餘一百二十四辰五分之一乘之為五

十三萬一千四百四十一辰五分之一

為四百年餘一十三年之歷內少九辰所

少九辰者凡春秋命歷以疇範為本疇範

命九春秋命六六其七百二十九為四積

三百七十四年而紕一歲之歷常欠九辰積

之而紕四十二年而紕一歲之歷常欠九辰積

七年紕四千三百八十三辰之實春秋所

但以春秋證之文獻有徵聊附春秋歷數及圖書所推五行歷數於後焉

歷數統紀

上元甲子四百八十五年

二元巳巳九百七十年

三元甲戌一千四百五十五年

四元巳卯二千九百四十年

五元甲申三千四百二十五辰

六元巳丑三千九百一十年

七元甲午四千四百七十五辰

八元巳酉四千九百一十年

九元甲辰五千四百七十五辰

十元巳未五千九百一十年

十一元甲寅六千三百七十五辰

十二元巳未六千八百一十年

十三元甲申七千二百七十五辰

十四元巳酉七千七百一十年

十五元甲辰八千一百七十五辰

十六元巳未八千六百一十年

十七元甲寅九千零七十五辰

十八元巳未九千五百一十年

十九元甲申九千九百七十五辰

二十元巳酉一萬四千一百一十年

右自太古上元義農之前至魯隱公元年

三百三十五年一元自隱公元年以前凡五千

八百三十五歲在癸亥彗星出長竟天明年

甲子秦王政十年又起中元此端門之次

符也又四百八十五年開元二十二年春秦州

馬懿九錫之歲歲在巳巳為中元之二會

又四百八十五年開元二十二年春秦州

又四百八十五年開元二十二年春秦州

又四百八十五年開元二十二年春秦州

又四百八十五年開元二十二年春秦州

又四百八十五年開元二十二年春秦州

又四百八十五年開元二十二年春秦州

大震冬十二月戊子朔食歲在甲戌為中元之三會又四百八十五年宋寧宗嘉定十二年為元太宗真十四年歲在己卯其年金人破武關分犯諸州為中元之三會以後一百四十五年而聖人始出凡自春秋而後終於元季二千八十九年除秦政以前四百八十五年為端門之末會以後金木水火水相次為治復歸於土與周比隆雖損益間殊而疇象不變首求其故于歲可知也

河圖歷數略

自東周至元末二千一百三十八年

土稼穡歷

體數五百五十餘二百七十五在前際合損一百一十今存之以河圖領維書為前

曆元年辛未至惠王十六年庚申凡一

百一十年中夏極莊釐惠五王為稼穡初

周惠王十七年辛酉至靈王二十年庚戌中

夏惠襄頃匡定簡六王為稼穡二際

周靈王二十一年辛亥至定王廿八年庚子

中夏靈景敬元定五王為稼穡三際

周考王元年辛丑至顯王三十八年庚寅中

夏考威安然顯五王為稼穡四際

周顯王三十九年辛卯至秦始皇元年庚辰

凡一百一十年中夏周顯慎赧秦昭文莊襄二姓七王始命皇帝為稼穡五際

凡稼穡之數以十命十下得一十以十命九下得二十以十命八下得三十以十命七下得四十以十命六下得五十以十命列得五百五十為稼穡之成數又其前段以五命十下得一五至以六命五下得二

後兩際稼穡前際是通水火嬖於夏殷稼
 穡後際是通金木嬖於漢晉凡五行之序
 西金東木比水南火經於中土二百七十
 五又復兩之五百五十而西金東木比水
 南火互相起也凡河圖體數三千二十五
 以五百五十為成二百七十五為生參兩
 生成八百二十五自中極而下合得八百
 二十五其五十五之中九六七八兩兩相合
 亦得八百二十五故以五百五十五為本而
 參其八百二十五則得三千二十五是河
 圖之體數也歷數皆用雜書而河圖立體
 天地所命始故周歷前段二百七十五不
 除五十後段五百五十五不除一百為周歷
 八百二十五之實施於五行未際皆去十
 存九只得六百七十五以三乘之為二千
 二百五與五德循環入於歷始復加百五
 十配於卦象中分天地焉其五行參兩去
 十之法繫於下章

金從革歷

體數四百九十五合損九十存四百有五
 以下皆依雜書除十起例三際各百三十

秦始皇帝元年辛巳至漢昭帝始元元年乙

未凡一百三十五年中更秦皇二世高惠

漢昭帝始元二年丙申至光武建武二十六

年庚戌凡一百三十五年中更昭宣元成

哀平莽光武兩姓八主為從革中際

漢世祖建武二十七年辛亥至靈帝中平二

年乙丑凡一百三十五年中更明章和殤
 安順冲質桓靈九主為從革末際
 自周歷稼穡本於河圖合十存體至始皇
 而下五行相次皆準雜書以九為用焉
 凡從革之數以九命十下得一九以九命九
 十得二九以九命八下得三九以九命七

後兩際稼穡前際是通水火爇於夏殷稼
 穡後際是通金木爇於漢晉凡五行之序
 西金東木比水南火經於中土二百七十
 五又復兩之五百五十而西金東木比水
 南火互相起也凡河圖體數三千二十五
 以五百五十五為成二百七十五為生參兩
 生成八百二十五自中極而下合得八百
 二十五其五十五之中九六七八兩兩相合
 亦得八百二十五故以五百五十五為本而
 參其八百二十五則得三千二十五是河
 圖之體數也歷數皆用雜書而河圖立體
 天地所命始故周歷前段二百七十五不
 除五十後段五百五十五不除一百為周歷
 八百二十五之實施於五行未際皆去十
 有九只得六百七十五以三乘之為二千
 二十五與五德循環入於歷始復加百五
 十配於卦象中分天地焉其五行參兩去
 十之法繫於下章

金從革歷

體數四百九十五合損九十存四百有五
 以下皆依雜書除十起列三際各百三十

秦始皇帝元年辛巳至漢昭帝始元元年乙

未凡一百三十五年甲申至光武建武二十六年

漢昭帝始元二年丙申至光武建武二十六年

哀平莽光武兩姓八主為從革中際

漢世祖建武二十七年辛亥至靈帝中平二

年乙丑凡一百三十五年甲申至光武建武二十六年

安順冲質桓靈九主為從革末際
 自周歷稼穡本於河圖合十存體至始皇
 而下五行相次皆準雜書以九為用焉
 凡從革之數以九命十下得一九九以九命九
 十得二九九以九命八下得三九九以九命七

下得四九以九命六下得五九往反疇於
得四百九十五為從革之體數以雜書之
用去十為體合去九十只餘四百有五參
而兩之中於成帝鴻嘉四年甲辰孝景闕
災廢許皇后之歲也明年王莽始為新都
侯故從革之歷起於秦并六國率於三國
分漢中於王氏革命皆革也其味作辛以
干戈武力仗義取天下

木曲直歷

體數四百四十合損八十存三百六十三
際各一百二十

漢靈帝中平三年丙寅至晉惠帝永興二年

乙丑凡一百二十年夏獻帝昭然後主

魏吳晉三姓為曲直初際

晉惠帝光熙元年丙寅至宋文帝元嘉二年
乙丑凡一百二十年中夏懷愍元明成康
穆哀奕簡武安廢晉十三主及宋祖少帝

姓十五至為曲直初際

朱文帝元嘉三年丙寅至梁武帝大同十

年乙丑凡一百二十年中夏宋文武文孝武

明廢及齊太武昭業明昏和梁武三姓十

二主為曲直未際

九曲直之數以八命十下得一八以八命

七下得二八以八命八下得三八以八命

列得四百四十為曲直之體數以雜書之

而兩之中於海西公之太和元年前年穆

火炎上歷

帝崩是年慕容恪陷秦洛陽其先五十四
年石勒陷洛陽後五十四年劉裕弒零陵
王曲直之初漢靈以天子躬為市販曲直
之終梁武以黃屋捨於僧奴皆棄其準繩
引於苞葉作酸之味以蠅營狗苟隕其身

體數三百八十五合損七十存三百一十

梁武帝大同十二年丙寅至唐高宗永徽元年

安陳高隋伯宗頊叔寶隋文煬唐高祖太

宗四姓十四主為炎上初際

唐高宗永徽二年辛亥至唐元宗天寶十四

載乙未凡一百五十年中

睿宗四主為炎上中際

唐肅宗至德元年丙申至唐懿宗咸通元年

庚辰凡一百五十年中

文武宣十一主為炎上未際

凡炎上之數以七命十

九下得二七以七命八

七下得四七以七命六

然得三百八十五以雜書之用去十為體

合去七十只餘三百一十五參而兩之中

於睿宗景龍之元年上五十二年皆武氏

水潤下歷

體數三百三十合損六十存二百七十三

唐懿宗咸通二年辛巳至漢少主乾佑三年

庚戌凡九十年中

爻貞及唐晉漢五姓十二主為潤下初際

周主威廣順元年辛亥至宋仁宗康定元年

庚辰凡九十年中

宋仁宗慶歷元年辛巳至宋高宗建炎四年

九下得二六以六命八下得三六以六命
七下得四六以六命六下得五六往反疇
如得三百三十為潤下之體數以雒書之
用去下為體合去六十只餘二百七十參
而兩之中於宋太宗至道之元年兩分之
際前有九十九年之代謝僅開三十六載
之昇平後有九十九載之昇平遂開三十
六年之禍敗傾流既倒不可復支蓋亦潤
下之數然也自建炎而後但號江南雖正
朔尚存而歷數不與

土稼穡歷

體數二百七十五合損五十存二百二十

宋高宗紹興元年辛亥至寧宗開禧元年

五七十五年甲申夏金天會皇統天德貞元

正隆大定明昌承安泰和九九改元為嫁

宋寧宗開禧二年丙寅至元至元十七年庚

辰七十五年甲申夏金永濟大安崇寧真祐

四元及元濶台貴由蒙哥忽必烈四王為

元世祖至元十八年辛巳至順帝至正十五

年乙未七十五年甲申夏世祖成宗武宗仁

宗英宗泰定帝明宗文宗寧宗九王為稼

穡末際

是亦稼穡也從河圖則存五十為二百七

十五從雒書則去五十為二百二十五去

五十則天中之歷止於龍飛乙未之初存

五十則龍飛之元通於燕京定鼎之際聖

人之於天地交取之也然此為歷數下際

既用二百二十五則當以四百五十為正
每際一百五十年自洪武乙未至宏治乙
止為一際又自宏治丙寅至崇正丙申為
一際周得河圖以王參霸後兩霸而前一
王明得洛書以治正亂前一亂而後兩治

參兩五十五天之所命以為歷數之綱維五
 行之終始非可意為損益也
 以上河圖領雜書先用河圖五百五十起
 東周止於秦皇以下各用雜書本數得五
 行週歲一千五百七十去一若以雜書領河
 圖則於五百五十中各用雜書本數得五
 四十起春秋止於赧王三十二以下各用
 河圖本數得四行本數一千六百五十總
 自春秋至明始二千九百八十數得相通也
 其成法凡五行相涵金水八百二十五去
 百五十為六百七十五火木八百二十五
 去百五十亦為六百七十五去者為用不
 去者為體金水火木合體一千六百五十
 加四百四十為二千九百五十水火木合
 一千三百五十加七百七十五為二千一
 百二十五所加七百七十五者兩土之合
 去其五十五故河圖雜書體用之數相為終
 始也兩用相差餘三十五為聖人受命終

始之符凡五行出入各有變動九六七八
 互移其居不能如卦象範疇與天度俱整
 故歷數所存在於疇象而疇象參兩與五
 行相稽必求其故則河圖命始者以金水
 木火發於西方左行為序雜書命始者以
 金木水火發於南方右行為序始於河圖
 者終於雜書始於雜書者終於河圖體用
 十五前後相權以成五紀不可易也今以
 雜書之領河圖始於春秋終於明始者再
 著為序俾後得參攷焉

雜書歷數略
 自春秋元年至元末
 二千九十年

土稼稽歷

用數四百五十又二百二十五在前際合
 加一百五十今去之以雜書領河圖為前
 縮歷
 周平王四十九年己未至周簡王十三年戊

子凡一百五十年中夏平桓莊釐惠襄頃
匡定簡十王為稼穡初際

周簡王十四年巳丑至周威然王三年戊午
凡一百五十年中夏襄頃匡定簡靈景敬

元定考十二年巳未至周赧王四十二年戊
周威然王四年巳未至周赧王四十二年戊

子凡一百五十年中夏威安然顯慎赧六
王為稼穡未際

凡稼穡用數去十存五以五命九下得一
五以五命八下得二五以五命七下得三

五以五命六下得四五凡得五十者四又
以五命五為二百二十五合為四百五十

四百五十在前則二百二十五在後前後
表裏相為終始周前三百二十四進一百

二十六則在太王之前退九十九則在穆
王十七八上下所不加減前段者謂春秋

後際盡於赧王四十二年當加四十五以
生金四十五與五十五損益十載得相通

也故自赧王四十三巳丑至章武三年昭
然崩於永安之歲為四百九十五益稼穡
四十五而得從革之末候是謂先用後體
雜書之領河圖金水木火因以相次焉

金從革歷

用數四百有五合益九十為四百九十五
際各一百六十五以下依河圖加十起

周赧王四十三年巳丑至漢武帝元封三年
癸酉一百六十五年中夏秦昭文襄始皇

漢高惠文景武兩姓九主為從革前際
漢武帝元封四年甲戌至漢明帝永平元年

戊午一百六十五年中夏武帝昭宣元成
哀平莽光武兩姓九主為從革中際

漢明帝永平二年巳未至漢昭然章武三年
癸卯一百六十五年中夏明章和楊安順

冲質桓靈獻昭然一姓十二主為從革末

際體數起似具在前篇

中分三際二百四十七為漢成帝河平三年乙未捷為山崩江水逆流冬十月乙卯朔食之歲也參而伍之各九十九分為五際一漢文帝六年丁卯一為孝昭元鳳六年丙午一為世祖元年乙酉一為安帝延光三年甲子以至昭然崩於永安之歲故漢道之貴從革漢運之繫昭然歷數在天而方士繆應黃龍之祥魏室偽奸卯金之位可謂汨陳五行失其倫序者矣

水潤下歷

用數二百七十合益六十為三百三十每際各一百一十
漢後王建興二年甲辰至晉成帝咸和八年癸巳一百一十年甲辰至晉武帝惠懷

愍元明成兩姓八主為潤下初際

晉成帝咸和九年甲午至宋文帝元嘉二十一年癸未一百一十年甲午至宋文帝元嘉二十一年甲申至梁主繹二年癸酉簡武安恭及宋高文兩姓十一主為潤下中際

宋元嘉二十一年甲申至梁主繹二年癸酉一百一十年甲申至梁主繹二年癸酉齊高武昭業明昏和梁武帝簡文三姓十

體數起似具在前篇

中分三際一百六十五為晉孝武太元十四年巳丑呂光姚萇破符秦之歲也是時

南渡四朝頽瀾莫反參而伍之各六十六

晉穆帝永和十一年乙卯是年秦符生始立一晉恭帝元熙二年辛酉晉室巳終宋魏秦夏俱起一齊永明四年丁卯魏作明

堂辟雍於道在元魏至臺城之後侯景立豫章僧辨立湘東明年宇文泰立齊王廓而下流愈頽河洛俱竭矣故潤下之歷歸於朔方齊周隋唐緣此萌孽也

火炎上歷

用數三百一十五合益七十為三百八十五每際各一百二十八強

梁元帝繹二年甲戌至唐高宗開耀元年辛巳一百二十八年中夏陳武帝文帝伯宗宣帝後主隋文煬唐高祖太宗高宗三姓九主為炎上初際

唐高宗永淳元年壬午至唐憲宗元和四年己丑一百二十八年中夏高宗睿元肅代德順八主為炎上中際

唐憲宗元和五年庚寅至晉天福二年戊戌一百二十九年中夏唐宣宗懿僖昭廢梁唐晉四姓十主為炎上末際

中分三際一百九十二半為唐元宗天寶之四載立貴妃楊氏之歲也參而伍之各七十七歲一為貞觀四年庚寅倖頡利可汗之歲一為景龍元年丁未太子重俊誅武三思之歲一為德宗興元元年甲子朱泚破長安上奔梁州之歲一為懿宗咸通二年辛巳杜悰平章之歲以至於石晉戊戌而契丹稱遼遼之為既與宋終始五代之錯於火德猶焚燎之為首尾上有梁陳隋下有梁唐晉雖夷狄不競而寇攘奸回女謁宦侍可備炯戒者至炎上之歷皆備矣以河圖左旋之正推之宜為曲直而五行互起不循生序故復以炎上繼於潤下猶九六七八之相亞也

木曲直歷

用數三百六十合益八十為四百四十每際一百四十六強

晉主敬瑭天福四年巳亥至宋神宗元豐七年甲子一百四十六年中夏晉漢周四姓七主及宋太祖上宗真仁英五主為曲直初際

宋神宗元豐八年乙丑至宋理宗紹定五年壬辰一百四十八年中夏哲宗徽欽高孝

光寧理七主為曲直中際宋理宗紹定六年癸巳至明洪武十年戊午

一百四十六年中夏宋理度及元世祖成武仁泰定明文寧順帝二姓十一主為曲

直未際中分三際二百二十為紹興二十三年癸酉金貞元元年遷都于燕之二歲也參而

伍之各得八十八年一仁宗天聖四年丙寅京師及諸軍大水十月癸酉朔日食一

徽宗政和四年甲午女直始敗遼于混同江一寧宗嘉泰二年壬戌始弛偽學之禁

元至正廿七年庚寅武平江陰諸路也

震大水載及戊午而宇宙廓清日月宣萬物之所終始也是歷以金水火木相亞

為享漢晉唐宋各居四歷之中必以水火木金依數求之則自明戊午至咸淳戊辰

為水未際又至紹興戊寅為水中際又至慶歷八年戊子為水初際參而兩之以寧

嘉二年壬戌為中際上下未有分據又進求火運三百八十五年自慶歷丁亥

至未唐天祐十七年庚辰為火未際又至德宗貞元八年壬申為火中際又至高宗

麟德元年甲子為火初際參而兩之以通五年甲申為中際治亂終始亦未勻停

又進求木運自唐龍朔三年癸亥至梁天監十五年丙申為木末際又至海西公太

和四年巳巳為木中際又漢後王建興元年癸卯為木初際參而兩之以魏太平

真君作壇受符之歲在元嘉壬午為中際徒具成數而已即以金水木火求之第三

運移火從木自梁主繹至宋太宗淳化癸巳四百年中分二百二十為天寶十三年載得其中際猶不得前後故知河圖順行雜書逆轉之為膠柱水一火二木三金四之為腰鼓也要以數十千午之內五行屈伸貫穿五十周游八虛何者不屈聃舉成數以引其端云耳

以上所論歲月日星辰歷數皆有定序千古不易間有易者若五行歷數循環起止前後易序無開災咎箕子所稱歲月日時乘龍星紀淫於元枵之說然歲星遞移陰陽縣絕春秋所怪今皆為常必如歲鎮熒惑金水錯行黃道皆上歷太微下連箕斗於奎婁角亢之間與日月出人不能無相凌犯要不至大易其序皆為常行如占者不知日月食朔之說即十月之詩驚詫異常今皆豫刺分秒不失纏度則不互以異

常日之然以月掩日以日衝月則真可謂易矣月行至低去日皆十三度外則去歲填熒惑金水亦可十三四度有道經三垣及諸次舍吞掩諸星從下視之如有反易實不相下五星相差高下去天各可數度每度視地三百六十餘里如船帆影相去三百里外決無鬪虧之虞但因人所見以為反常則隨地脩省耳秦漢以下設立官次分奠必國皆非職方保章之舊必如曰其星犯某國犯某官主有某災則鬪爭搏擊之既皆因而起決非聖人之所推求又如水貌火言木眎金聽古人之不用辰熒歲白之占亦以為兵喪水旱雜著其垂耳今依春秋再舉日食彗孛歲饑之年以為五紀反易餘不暇詳焉

日月失紀

魯隱公三年二月己巳朔日食

桓公三年七月壬辰朔日食

桓公十七年十月朔食明年夏喪至自齊

莊公十八年五月壬子朔食

莊公廿五年七月辛未朔食

莊公廿六年十二月癸亥朔食

僖公五年九月戊申朔食

文公元年三月癸亥朔食

宣公十五年六月辛丑朔食

宣公十八年七月甲子朔食既時楚人始霸

成公十年四月丙辰十七年五月癸卯朔食

襄公十四年六月丙寅十七年十一月丁巳朔食

襄公二十年二月乙未十五年八月丁巳朔食

襄公廿三年二月癸酉朔食

襄公廿四年七月甲子朔食既

襄公廿七年十一月乙亥朔食明年靈王崩

昭公二十五年五月丁巳十七年六月甲戌朔食

昭公二十一年七月壬午朔食明年王室亂

昭公二十四年五月乙未朔食明年孫于齊

昭公三十一年十二月辛亥朔食明年乾侯

定公五年辛亥朔食十二年十一月丙寅朔食

定公十五年八月庚辰朔食是年夏薨高寢

哀公十四年五月庚申朔食是為春秋之終

凡日食有常行而詩刺不臧亦藉以示儆

也惟王省歲蓋以憫農敬義統歲之成猶

之矣終舉要云耳卿士惟月師尹惟日此

皆不關朔食之事然歷數推行則必以朔

食為始春秋三十六食不書事應而統君

之變密與相符亦猶之以日當辟也昭公

三十一年十二月辛亥朔食史墨以為吳

將入郢則是以楚當日也凡日月之食困

地所見以為淺深是時魯事楚而不事周

故以辰尾為楚以楚當日猶之本國所見

亦當其本國之君也此特舉垂象而言不

共危月表

卷下

共

關省協之義如五紀本意則以九疇相起
 二十六萬二千九百八十為六十歲週甲
 之辰四週加二謂之歷數以歲分之每歲
 各得四千三百七十四謂之歲數以月分
 之每月各得三百六十四半謂之月數以
 日分之每日各得十二謂之日數以星分
 之每星一辰謂之辰數此歲月日辰皆大
 者舉綱小者舉目重者舉全輕者舉碎猶
 六爻一卦十有八變統得四千九十六其
 初六變可以得歲其中六變可以得月其
 末五變可以得日其上未一變可以得辰
 總六十四卦則可以得閏得一變可以得辰
 歷數繇是以辨省位則初六變為王中六
 變為卿士末五變為師尹七一變為庶民
 因世所居視其貞悔以風雨寒溫為候前
 世之有道術者皆川之使入政之官皆依
 此起事以得其陰陽所在恰當不易不然
 則五紀八政未有所繫猶帝王之自為疇
 象非疇象之自為天地也春秋紀歲必紀
 日紀日必紀其干支一一不爽則當時所
 為歲月日日月歲之說必有確然可據者
 古學久湮俗禁反泯故復以春秋而下日
 月交食之數次於後焉

漢高帝三年十月甲戌晦食
 高帝九年六月乙未晦食既呂氏殺趙王
 惠帝七年十二月辛未朔食是猶之前食應
 高后二年六月丙戌七年正月己丑食應
 文帝二年十一月癸卯三年十月丁酉食
 文帝三年十一月丁卯四年四月丙辰食
 文帝七年正月辛未朔食是皆不應
 景帝三年壬午食是皆應諸侯王
 景帝七年十二月庚寅朔食是廢太子榮
 中元元年十二月甲寅三年九月戊戌食
 中元六年八月辛亥朔食
 後元元年八月己巳朔食又明年應陽陵

武帝建元二年二月丙戌三年九月丙子食
元光元年二月丙辰七月癸未日食
元朔二年二月巳巳元狩元年五月乙巳食
元鼎五年四月丁丑大始四年十月甲寅食
征和四年八月辛酉食將既又明年應雲陵
昭帝始元三年十一月壬辰朔食
元鳳元年七月巳亥朔食是有燕王旦之誅
宣帝地節元年十二月癸亥食應楚王延壽
五鳳元年十二月乙酉食殺韓延壽
五鳳四年四月辛丑朔食殺楊惲
元帝永光二年三月壬戌四年七月戊寅食
建昭五年七月壬申食明年應渭陵
成帝建始三年十二月戊申朔食
河平元年四月巳亥食既時大封諸舅
陽朔元年三月丁未朔食王鳳殺王章
永始元年九月丁巳食時莽封新都侯
永始二年三月乙酉三年二月巳卯食
永始四年八月辛未朔食

元延元年正月巳亥朔食
 哀帝元壽元年正月辛丑朔食殺王嘉
 元壽二年四月壬辰朔食六月應義陵
 前漢二百一十二年日食五十三應王期

者七

光武建武元年正月庚午朔食應夏始

建武二年正月甲子朔三年六月乙卯朔食

建武六年十月丙寅朔七年四月癸亥朔食

建武十六年三月辛丑十七年二月乙未食

建武廿二年五月乙未廿五年三月戊申食

建武廿九年二月丁巳朔食

建武三十一年六月癸酉朔食

中元元年十二月甲子朔食明年應原陵

明帝永平三年九月壬申朔食

永平八年十一月壬寅朔食

永平十三年十一月甲辰朔食楚王英罪廢

永平十六年六月戊午朔食

永平十八年十二月甲辰朔食是歲應節陵

章帝建初五年二月庚辰朔食

和帝永元四年六月戊戌朔食

永元七年四月辛亥朔十一日七月辛亥朔食

永元十五年五月甲子朔食是立鄧后

安帝永初元年三月癸酉朔食

永初五年正月庚辰七年五月丙申朔食

元初元年十月戊子朔食明年立閻后

元初二年十月壬午三年三月辛亥朔食

元初四年二月戊午八月六年十二月皆食

延光三年十月庚寅朔食是廢太子保

順帝永建二年七月甲戌朔食

永和三年十二月戊戌五年六月巳丑食

永和六年九月辛亥朔食梁冀為大將軍

桓帝建和元年正月辛亥朔食殺杜喬李固

建和三年五月丁卯朔食

元嘉二年七月庚辰朔食

永興二年九月丁卯朔食是瑯琊盜起

延熹八年二月丙申朔食鄧皇后自殺

永康元年六月壬子朔食是應宣陵

靈帝建寧元年五月丁未十一月甲辰朔食

熹平四年三月辛酉朔食秋捕繫太學生

光和二年四月甲戌朔食是殺宋廢后

光和四年九月庚寅朔食

中平六年四月丙午朔食丙辰是應文陵

獻帝初平四年正月甲寅朔食

興平元年七月乙巳朔食明年露次曹陽

建安五年九月庚午朔食曹操滅董氏

建安六年三月丁卯朔食

建安十三年十月癸未十五年二月巳巳朔食

建安十五年二月乙巳十七年六月庚寅食

建安廿一年五月巳亥朔食曹操稱魏

建安廿四年三月壬子朔食明年改命

後漢百九十六年日食七十二應王躬者

章武二年正月丙寅朔食明年是應惠陵

建興二年十二月戊辰朔食

建興九年十二月戊戌朔食
建興十一年閏五月庚寅朔食明年獻帝薨

延熙八年十月戊申朔十年三月庚午朔食

延熙十一年二月甲子朔食

景耀二年七月戊子朔食
景耀三年正月乙酉朔食司馬昭弑曹髦

景耀五年十一月乙亥朔食明年成都陷

晉武帝泰始二年三月庚戌朔食
泰始七年十月丁丑朔食安樂公李

泰始八年十月辛未朔九年四月戊辰朔食

泰始十年四月癸亥朔食

咸寧元年八月甲申三年二月丙子朔食

咸寧四年正月庚午朔食

太康四年三月辛丑七年正月甲寅朔食

太康八年正月戊申十二月戊申朔食
永熙元年正月壬申朔食四月應含章毀

惠帝元康九年十一月甲子朔食廢太子適

永康元年正月己卯四月辛卯食應趙王倫

光熙元年正月七月皆食是姐惠帝

懷帝永嘉元年十一月二年正月食

愍帝建興四年六月十一月并食是應在平陽

建興五年五月十一月并食是應在平陽

元帝大興元年四月十一月丁丑朔食亦應劉聰

明帝大寧三年十一月癸巳朔食明帝先姐

成帝咸和二年五月甲申六年三月壬戌食
咸和九年十月乙未朔食
咸康元年十月乙未七年二月甲子朔食
咸康八年正月乙未朔食成帝乃姐
穆帝永和二年四月七月七年正月食
升平四年八月辛丑朔食明年穆帝乃姐
哀帝隆和元年三月五月十二月食政在桓氏
帝奕太和三年三月五月食
孝武寧康三年十月癸酉朔食
太元六年六月九年十月十七年五月食

大通八年四月癸丑朔食比魏始亂	晉通三年五月壬辰朔既	天監十五年三月戊辰朔既	是去宗廟犧牲	梁武帝天監元年七月丁巳食是殺東昏	東昏侯永元三年正月丙辰朔食是廢兩帝	廢帝隆昌元年五月甲戌朔食是廢兩帝	武帝永明元年十二月乙巳朔食	齊高祖建元三年七月乙未朔食明年上俎	廢帝元徽六年三月九月朔食明年革命	明帝太始四年四月庚午十月丁卯朔食	孝武孝建元年七月丙申朔食既	元嘉三十年閏七月辛丑朔食先應子劭	宋文帝元嘉元年二月己卯食是廢少帝	恭帝元熙元年十一月丁亥朔食是乃革命	義熙十三年正月甲戌朔食明年弒于東堂	安帝隆安四年六月庚辰朔食是應桓氏	元興二年四月癸巳朔食冬上遷于潯陽	太元二十年三月庚辰朔食明年應清暑殿
----------------	------------	-------------	--------	------------------	-------------------	------------------	---------------	-------------------	------------------	------------------	---------------	------------------	------------------	-------------------	-------------------	------------------	------------------	-------------------

太清元年正月己亥朔食	太清二年七月庚寅朔食明年夏陷臺城	陳武帝永定三年五月丙辰朔食陳主俎	宣帝大建七年十二月辛亥朔食	大建八年六月戊申朔食周始滅齊	周靜帝大象二年十月癸丑朔食明年入隋	隋文帝開皇七年五月乙亥朔食明年滅陳	仁壽元年二月乙卯朔食	煬帝大業十二年五月丙戌朔食既	凡日食史不能盡書書不能盡應自晉五代至隋三百五十四年間日食應主皆在南朝惟梁陳而後永定三年五月丙辰朔食其年夏陳主霸先姐冬齊主高洋俎以高洋後於霸先猶應無二日之義也其先梁大通八年四月癸丑朔食冬宇文泰酖魏主驎於長安高歡立清河世子於洛陽	差有其應蓋是時梁主已從胡教而天知道	北行其先四朝二十二主應者十三故知
------------	------------------	------------------	---------------	----------------	-------------------	-------------------	------------	----------------	--	-------------------	------------------

上天陰騭纖毫不爽卿尹月日總為省歲
而生歲時刻應不在三朝之限舊法論曰
食必眠星纏若文伯之稱去衛地而如魯
地劉向之以奎為卑賤婦人東井上應京
師是也然合而稽之皆未必然雖日月于
支歲德歲刑金稔木惡火旱水饑之說皆
參半不驗惟修德修刑修救塗為近之後
世五行家刻應皆以日辰為主亦士民沿
習不關君相之事也唐宋而下日食視上
世加詳又并繫於後云

唐高祖武德元年十月丙辰朔食是貞觀之始

貞觀元年閏三月癸丑九月庚戌朔食

貞觀二年三月戊申三年八月己巳朔食

貞觀四年閏正月丁卯六年正月乙卯朔食

貞觀九年閏四月丙寅朔食上皇乃崩

貞觀十一年三月丙戌朔食冬入武氏

貞觀十七年六月己卯朔食廢太子

貞觀廿二年八月己酉朔食明年應翠微宮

高宗顯慶五年六月庚午朔食武氏親萬幾

上元元年三月辛亥朔食秋稱天后

永隆元年十一月壬申朔食應太子賢

永淳元年四月甲子十月庚申食明年上崩

垂拱四年六月丁亥朔食大殺唐宗室

中宗神龍三年六月丁卯朔食

元宗先天元年九月丁卯朔食

開元三年七月庚申朔食明年上皇崩

開元二十年二月甲戌廿一年七月乙丑食

開元廿二年十二月廿三年閏十一月朔食

天寶元年七月癸卯五載五月壬子朔食

天寶十三年六月乙丑朔食且既明年祿山反

肅宗至德元年載十月辛巳朔食是上在成都

代宗大歷三年三月乙巳朔食

大歷十四年七月戊辰朔食是年德宗立

德宗貞元八年十一月壬子朔食

貞元十二年八月己未十七年五月壬戌食

憲宗元	和三年	七月	辛巳	十年	八月	巳亥食
元	和十三年	六月	癸丑	朔食	應又明年	正月
穆宗	長慶二年	四月	辛酉	三年	九月	壬子食
文宗	太和八年	二月	壬午	朔食	應在李訓	
武宗	會昌三年	二月	庚申	朔食		
會昌	五年	七月	丙午	朔食	明年立太叔	
宣宗	大中八年	正月	丙戌	朔食		
懿宗	咸通四年	七月	辛卯	朔食		
僖宗	六年	四月	庚申	朔食	盜巢陷湖南	
文德	元年	三月	戊戌	朔癸卯	僖宗崩	
昭宗	天佑元年	十月	癸卯	朔食	秋應於椒殿	
梁	太祖開平	五年	正月	丙戌	朔食	明年見弑
唐	同光三年	四月	癸亥	朔食	明年應於伶人	
晉	天福七年	閏四月	甲寅	朔食	晉主姐	
漢	隱帝乾佑	三年	十一月	甲子	朔食	應是月
周	太祖廣順	二年	四月	丙戌	朔食	
宋	太祖建隆	元年	五月	巳亥	朔食	
建隆	二年	四月	癸巳	朔食	六月杜太后崩	

開寶元	年	十二月	巳酉	朔食		
開寶三	年	四月	辛未	朔食	明年上崩	
開寶八	年	七月	辛未	朔食	明年上崩	
太宗二	年	十一月	丁亥	朔食		
雍熙二	年	十二月	庚子	三年	六月	戊戌朔食
淳化二	年	三年	四月	皆食		
真宗咸	平元年	五月	十月	五年	七月	朔食
天禧五	年	七月	甲戌	朔食	明年上崩	
仁宗乾	興元年	七月	甲子	朔食	既	
天聖六	年	三月	丙申	七年	八月	丁亥朔食
明道二	年	六月	甲午	朔食	冬廢郭后	
至和元	年	四月	甲午	朔既		
神宗熙	寧元年	正月	甲戌	朔食	始用王安石	
元豐六	年	九月	癸卯	朔食		
徽宗大	觀元年	十一月	壬子	朔食		
大觀二	年	五月	庚戌	四年	九月	丙寅朔食
政和三	年	三月	壬子	五年	七月	戊辰朔食
政和八	年	五月	壬午	朔食	時約金伐遼	

宣和元年四月丙子朔食時師敗於朔方
 高宗建炎三年九月丙午朔食時苗劉事起
 紹興五年正月乙巳朔食上皇殂于金
 紹興三十二年正月戊申朔食上乃內禪
 孝宗隆興元年六月庚申朔食時師潰符離
 淳熙十年十月壬戌朔食時禁偽學
 寧宗慶元元年三月丙戌朔食殺趙汝愚
 開熙二年二月壬子朔食韓侂胄用事
 嘉定十六年九月庚子朔食金王珣卒
 寶慶三年六月戊申朔食元王珣于盤山
 恭帝德祐元年六月朔日食既宋祥乃絕
 元至元二十一年六月朔食世祖先應
 成宗大德元年四月癸巳朔食
 仁宗延祐六年二月丁亥朔食明年英宗立
 英宗至治二年十一月甲午朔食明年見絺
 泰定帝四年九月丙申朔食明年殂于上都
 文宗至順二年八月甲辰朔食明年文宗殂

順帝元統二年四月戊午八月甲戌朔食
 全正十八年六月戊辰十二月乙丑朔食
 至正廿一年四月辛巳七月辛酉朔食
 自唐武德至元終四百四十七年四月十五
 主應者二十六君惟嘉定十六年九月庚
 子朔食應金王珣寶慶三年六月戊申朔
 食應元王真殂於盤山是時宋祚式微雖
 云正朔而天命不歸元雖山口而混一天
 下八九十年之間日德屢敵觀於武德貞
 觀建隆開寶之際天意丁寧長慶太和熙
 寧宣和上下薄蝕鮮少而陰騰相協之故
 槩可知矣宋世諸臣每當日食猶以陰雲
 不見為瑞可歎也夫

星辰失紀

魯莊公七年四月辛卯恒星不見星隕如雨
 僖公十六年正月戊申朔隕石于宋五

文公十四年七月有星孛于北斗

昭公十年冬有星孛于大辰

哀公十三年十一月有星孛於東方

貞定王二年彗星見

考王八年彗星見

赧王十年十二月十九年彗星見

秦始皇七年五月彗星見西方

始皇九年四月彗見西方又出北方斗下

始皇十三年正月彗見東方

始皇三十三年彗出西方

漢高帝三年七月有星孛于大魚

文帝後七年有星孛于西方直尾箕指虛危

景帝二年彗出西南

武帝建元三年二月彗見西北出紫微

建元三年四月有星孛于注張歷紫宮

建元六年六月有星孛于天紀至織女

元待四年四月長星出西北

元封元年五月星孛東井及三台

宣帝地節元年正月星孛于西方

黃龍元年三月有星孛入紫宮

元帝初元四年正月有星孛于參

建昭元年正月辰隕石于梁六

成帝建始元年正月有星孛於營室

建始四年正月癸卯隕石于藁肥累

陽朔三年二月隕石白馬八

永始二年二月癸未夜中星隕如雨

元延元年七月有星孛于東井踐五諸侯

哀帝建平二年二月彗出牽牛

王莽地皇三年十一月有星孛于張

光武建武十五年春彗見昴畢入東壁

建武三十年閏四月水在東井發芒為孛

明帝永平三年夏彗出天船入於亢

永平八年夏彗出柳張犯上階遣使之天竺

永平十八年夏彗出張南入太微秋上崩

章帝建初元年秋彗出天市入牽牛

建初元年冬彗出婁稍入紫宮

安帝永初元年九月隕石陳留四

順帝永建六年春彗出奎婁入軒轅

桓帝建和元年秋彗出天市

延熹四年夏客星在營室發芒入心

延熹七年二月癸亥隕石右扶風一鄠二

靈帝光和元年彗出亢北入天苑

光和三年秋彗出三台下入太微

光和五年春彗出奎入紫宮

獻帝初平三年秋蚩尤旗出角亢南

初平四年冬彗見兩角入天市

建安五年冬有星孛于大梁

建安九年冬有星孛于東井

建安十一年春有星孛于斗中

建安十二年冬有星孛于鶉尾

建安十七年冬有星孛于五諸侯

建安廿三年春孛歷五車軒轅大微

建興二年冬有星孛于少微收南中四郡

建興九年冬有星孛于翼破殺張郃

建興十四年冬孛見張明年春魏主獻姐

延熙元年秋彗見尾拂牽牛

延熙三年冬彗出尾拂牽牛

延熙八年秋彗見七星蔣琬董允卒

延熙九年春孛于昴入于軫

延熙十四年冬有星孛于營室

延熙十五年春彗出于胃夏吳主權姐

延熙十六年冬彗出于軫明年魏廢其君

延熙十八年春彗出于箕尾

景耀五年冬彗出亢

魏咸熙二年夏彗出東壁秋晉受魏禪

晉武帝泰始四年春彗出軫五年秋孛于紫宮

泰始四年七月星隕如雨皆西流

泰始十年冬有星孛于軫

咸寧二年秋有星孛于大角及太微

咸寧二年春孛于胃秋孛于紫宮
 咸寧四年夏蚩尤旗見五年孛三見于太微
 太康二年秋有星孛于張
 太康四年春孛于鶉尾八年秋孛著于南斗
 太康九年八月壬子星隕如雨
 太熙元年夏孛于紫宮帝乃崩
 惠帝元康五年夏孛見于西方至三台大陵
 永康元年冬孛出牽牛指天市
 太安元年夏孛星晝見諸王相屠
 太安二年春孛見東方指三台
 永興二年秋孛于昴畢冬孛于北斗旋璣
 咸康二年春孛于昴畢冬孛于北斗旋璣
 咸康二年春孛出奎六年春孛于太微
 康帝建元元年冬孛見于亢明年上崩
 穆帝永和五年冬孛見于亢石氏乃滅
 愍帝永和六年春孛再見于亢五口乃爭
 升平二年夏孛出胃
 哀帝興寧元年秋孛見于角亢假檀温黃鉞

孝武寧康元年孛星三見
 太元十五年秋孛著于河戍入胡門
 安帝隆安四年春孛著于奎經太微端門
 隆安四年冬有星孛于貫索孫劉乃叛
 義熙十一年夏孛星二出天市掃帝座
 義熙十四年夏有星孛于斗魁中應在東堂
 恭帝元熙元年星孛于太微西蕃是乃革命
 宋武帝永初三年孛再見于北方
 少帝景平元年孛再見于東北
 文帝元嘉十九年冬孛在北斗掃五車
 元嘉廿六年廿八年孛再見太微應在兗劭
 齊東昏永元三年孛長竟天蕭梁革命
 梁武帝普通元年孛見爾朱榮破魏
 中大通四年七月甲辰星隕如雨
 大同五年冬孛出南斗東魏喪師
 陳文帝天嘉六年夏孛見上台齊主內禪
 陳宣帝大建七年夏星孛于大角周滅齊
 大建十二年冬孛見西南明年周禪於隋

隋開皇三年彗星著于房心是陳後主元年

開皇五年八月戊申有星隕如雨

開皇八年冬星孛于牽牛

開皇十四年冬彗見于奎婁

煬帝大業三年春彗見西方竟天秋再見

大業四年彗出五車掃文昌

大業十一年夏有星孛于文昌

大業十三年夏彗見于太微是乃革命

唐高祖武德九年春有星孛于昴胃是革政

太宗貞觀八年秋有星孛于元枵

貞觀十三年春有星孛于大梁

貞觀十五年夏有星孛于太微

高宗龍朔二年秋彗見于左攝提

乾封二年夏彗見于五車

上元二年冬彗見于角亢南三年秋見東井

開耀元年彗見天市

中宗文明元年秋天機見于西方

景龍元年冬二年春有星孛于昴胃

玄宗開元二年五月乙卯晦有星大小無數

皆西北流

開元十八年夏彗出五車孛見昴畢

開元二十六年孛見于紫微

肅宗乾元三年夏彗著于婁胃

代宗廣德二年十二月丙寅徹夜星流如雨

大歷五年夏彗著于五車又著于北方

德宗興元元年六月戊午星什伍皆隕

憲宗元和十年彗犯軒轅

元和十一年春彗見於畢是誅元濟

穆宗長慶元年春孛見太微夏彗見于昴

武宗會昌元年秋冬孛見營室

宣宗大中六年春彗出觜參

懿宗咸通六年大流星借諸小星自南徂比

咸通九年春彗見婁胃明年秋見大陵

僖宗中和元年八月巳丑大小星隕如雨

光啓二年五月有星孛于尾箕明年如鳳翔

昭宗大順二年夏彗出三台掃天市

景福二年彗著于太微李茂貞犯京師

天祐二年夏彗著于軒轅是乃革命

梁乾化二年夏彗出張是應爻珪

後唐明宗元年六月乙未衆小星交流

天成三年彗出牽牛

長興元年九月辛酉夜衆小星交流而隕

未帝太清三年秋彗出天哭自焚於懷州

晉天福六年冬彗掃天市垣明年晉主殂

周世宗顯德三年正月有星孛于參

宋太祖開寶八年彗著于柳至東壁

太宗端拱二年夏彗出東井

